

Ayoteyiironi maawoeni

4



Cuaderno de trabajo de inicial 4 años



PERÚ

Ministerio
de Educación

La ciudadana y el ciudadano que queremos



Currículo
Nacional

Ayoteyiironi maawoeni

4





Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

**Ayoteyiironi maawoeni - Iwaperite rantayiitiri iryaneerikipaeni
otsipatatsiri 4 rojarentsiti**

Cuaderno de trabajo y folder - inicial 4 años - Asheninka

©Ministerio de Educación

Av. De la Arqueología cuadra 2, San Borja

Lima, Perú

Teléfono: 615-5800

www.gob.pe/minedu

Segunda edición, 2021

Tiraje: 391 ejemplares

Impreso en Abril 2021

Elaboración de contenido

Juan Angel Faman Comishori

Revisión de contenido

Juan Angel Faman Comishori

Revisión lingüística

Luzmila Casique Coronado

Validación participativa

Evelina Rosario Gómez Camayteri, Rómulo Rodolfo Leiva Rosi

Asesoría y revisión técnica Digeibira-DEIB

Bertha Liliana Pacheco Díaz

Ilustraciones

Francisco Desiderio Valverde Valverde

Archivo Digeibira-DEIB

Diseño y diagramación

César Adolfo Yackle Castro

Cuidado de la edición

Marlene Sofia Silva Huerta

Impreso en EDITORIAL ROEL S.A.C.

Pj. Miguel Valcarcel Nro. 361, Urbanización San

Francisco, Ate - Lima

RUC 20122879331

Hecho el Depósito Legal en la Biblioteca Nacional del
Perú N° 2021-04226

Todos los derechos reservados. Prohibida la
reproducción de este libro por cualquier medio, total o
parcialmente, sin permiso expreso de los editores.

Impreso en el Perú/*Printed in Peru*



Noñaawontziri

Nonintayiitzi iryaneerikipaeni eejatzi oryaneerikipaeni:

Iroka jankinapanarentsi nantakiri pashipaeni eerokapaeni pimatantyawori piyotaperote kametha janta yotantsipankochanikiki. Nantantakawori iroka jankinarentsipana notsipateyakawoni mawoeni owametantatsiripaeni nanteyakironi nokenkithashiryakotzimi eerokapaeni tema osheki nonintaperotakimi kemeetha pimatantyaawori eerokapaeni eekiro pyatakatyeero piyoperote kameetha, amitakotemi owametzimiri eejatzi piripaeni, picharinipaeni, pijaripaeni, pisheninkapaeni. Eenitatsi pantayiiteri pitsipayiityaari pikaateyiinipaeni.

Iroka nantayiitakiri jankinarentsipana rootaki amitakotemini iyotantemirori okaatzi ameteyarini akapaeni eejatzi okaatzi anteyiirini eejatzi ranteyiirini paerani acharinetenipaeni, eejatzi pimatantyawori piñaanataperote kameetha ashikipaeni añaani, amatantyawori antayiitero okaatzi ikowakaeri akateyenipaeni, apinkathatero okaatzi jeekayitatsiri anampitsitekipaeni.

Eejatzi amatantyaawori ajeeki kametha mawoeni jeekayiitatsiripaeni yotantsipankoki eejatzi anampitsitekipaeni.

Iroka jankinarentsipana piñaathatayiitantyaari, pimampantyaari, pipothotantyaari, aakotantsi, eejatzi pijankinayite thapayiitantsi, osheki piweshiryawentyawo kameetha okaatzi pantayiitakiripaeni.

Niyotaki aritaki piñawenataperotakiawo okaatzi pantayitakiri kametha eejatzi piyoperotanakiro okaatzi pantayitakiri. Pikempoyeero kametha pikimitakantyawo pitsipaminthari.

¡Ari kametha piñawenatyawo okaatzi pantayiitzi!



Nashi nonampitsiti asheninka

Iroka nampitsi roperanikiri noepatsite, ojeke jaka niyanki nampitsipaeni.

Osheki ochempipaeni, inchasi awintantetari, iña atawapaeni, iñatenipaeni ejatzi inkaryapaeni.

Nokithayitaripaeni noethare. Aririka otzimi owawijayitacharipaeni shirampari ikithatawo itharipaeni, ramanthaeripaeni ejatzi tsinanipaeni okithatawo omathapaeni othompiropaeni.

Nowanawo poshiniyitatsiri shiwa akiparentsi, akijerentsi mawoeni, kaniri, paryantzi eejatzi echonkini wathatsipaeni antamiweri.

Iryaneerikipaeni eejatzi oryaneerikipaeni asheninka iñawenayitawo iñathayitapaeni, ramatzi, rateetzi, rathamankiwoeta ejatzi riyotzitawo ramitakotziri ashitariri wantsiki, shimatantsiki, wetsikantsi kowitzi, otyawoetantsi eeniro okaatziinipaeni.

¡Kemoshiretantsi nosheninkapaeni!

Poshiyakaawentya
eejatzi pantiro
piwaero



Nashi nowaero

Kaminagaantsi ashi owametantatsiri

Paminakayiiri iryaneerikipaeni paperipana eejatzi pojampitiri iitaka iñaawinatari rirori.

Poñaayiri tsika ikantiro roshirinkiro apapana rantawoetantaryari rirori.

Ojampitaantsi:

- ¿Cha ikanta ayotantyaari ninka ashitawori paperipeta?
- ¿Iitaka antiri ayotantyaawori rootaki ashi awaperipetati?

Pamitakotiri apaanipaeni iryaneerikipaeni roshirinkantyaawori paperipana nashi nowaero.

Pikowakotiri iryaneerikipaeni riyoyeero rantayitiripaeni apaanipaeni iwaero jankinamentotsi, pothomentotsi, eejatzi iroñaaka poshiyakawentiro.



Paminiro eejatzi pijankinatiro





**Tsika akantiri aminakowentiri
ashimaatantyaari**



Nashi nowaero:



Akenkithati apaani kenkitharentsi

Kaminagaantsi ashi owametantatsiri

Powameethayitiri iryaneeriki eejatzi oryaneeriki ikemaperotantyaawori iroka kenkitharentsi.

Thame akenkithatakotiri apaani atziri cha ikanta riyotantyaawori riwetsiki komarontsi.

Ikanta paerani apani atziri iwaero awapishi. Apani tsireniri imishiwoetaki iñaakiro iwetsikawaetzi komarontsi.

Okitejetanaki ikantziri ashitariri pawa nomishtakiro tsirenipaetini nowetsikakiro apaani komarontsi.

Roojatzi ryaatantanaka antamiki ichekapaaki apaani shintzipa riwetsikantyaari komarontsi .

Roojatzi ikantziri ashitariri iroñaaka namitakotimi piyotantyaawori piwetsiki komarontsi.

Rojatzi riyoperotantanakawo iroñaaka riwetsiki komarontsi.

Pojampitiri iryaneerikipaeni paminantyaariri ikemathatakirorika iroka kenkitharentsi:

- ¿Cha oetaka iroka kenkitharentsi?
- ¿Iitaka iwaero atziri wetsikakirori komarontsi?

Pikantiri iryaneeriki eejatzi oryaneeriki ikenkithati kenkitharentsi iñaaniki rirori.

Pipayitiri akotaantsi rantayitiri eejatzi pamitakotiri rantantyaawori kameetha.

Paminiro iroka aakotaantsi eejatzi pikenkithatakotiro iitaka piñaakiri.



Paminiro eejatzi pijankinatiro



Wishiriotzi

Naaka nowaero wishiriotzi nojeeki iñaathapyaaki
nopohtotari nomampoki, kamashari, kitamaari
nochopineki, notenkiki cheenkari.

Niyotakotziri shimaatzinkari, niraanakya,
nokantanaki wishirio, wishirio, wishirio riyotanaki
atziri imatatyeeeri ishimaatani.



¿Ninka kamanteeri ayotantyaari ari ashimaatakya osheki?

Kaminagaantsi ashi owametantatsiri

Pikantayitiri iryaneeriki ijeeki kameetha ikempoyaantyaawori okaatzi pikenkithatiri.

Poñaagaeyiirini kankakotaantsi pitakaanakiriri poñagakiriri owakirani paperipanakiki.

Pikantiri iryaneeriki eejatzi oryaneeriki aminaperotiro iroka aakotantsi eejatzi okenkithawoeti oetaka okantakotziri iroka kankakotaantsi.

Paminiro tsika ikantya riyotantyaari irika iryaneeriki eejatzi oryaneeriki omatantyaawori oñanatiro iroka kankakotaantsi.

Pikantiri iryaneeriki roshiyakawentiri apaanipaeni yotakotzirori aririka aati janta konataantsiki ayotantyaari owamaatyeeeri shima osheki.

Pijampitiro oryaneeriki:

- ¿Iitaka ipothotari imampoki irika wishiriotzi?
- ¿Iitaka ikamanteri irika wishiriotzi aririka akonati akemapakiririka Wishirio wishirio wishirio?

Pipayitiri aakotaantsi rantayitiri eejatzi pamitakotiri rantantyaawori kameetha.

Piñaanati pitsipatyaawo owametzimiri. Pikemijantiro ojampitzimiri eejatzi poyaatakotiro okantayitizimiri.



Paminiro eejatzi pijankinatiro

Three horizontal dashed lines for writing.



Nashi nowaero:



¿Iitaka ayiiri akachaantanyaari?

Kaminagaantsi ashi owametantatsiri

Pikenkithawaetakayiri irika yotzinkari, eejatzi jeekayitatsiri jaka nampitsiki pyatakaantyaariri pakachaatakayiri iryaneerikipaeni.

Paminiro tsika ikantya iryaneeriki ryatantyaari rirori rakachaati otzimatye raanaki rakachaantanyaari.

Pikantaeyirini raminayiti rakachaantanyaari kimitachari, kirathari, pichagantsi kaniri, paryantzi rashi shiwapaeni.

Iroñaaka raminayitiri cha ikaatzika inoshikakiri, eejatzi rapatoeyirini, osheki- eecheonkiini, riyomaayitiri tsikarika ikaatzi ikowakaantari apaanipaeni iryaneeriki eejatzi oryaneeriki.

Pojampitiri iryaneeriki:

- ¿Cha ikaatzika pinoshikakiri shiwa?
- ¿Iitaka pinoshikantakariri?



Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A1 jankinarentsipana piyomatantyaawori okatzi antayitakiripaeni.

Powichakoteri irika shiwapaeni rakachatantetariri kirathari ejatzi otsirokantsi kaniri. Paminayiteri tsikarika ijekaki oshekipero ejatzi tsikarika ijekaki eecheonkini.



Paminiro eejatzi pijankinatiro



Nashi nowaero:



Thame ashimaatya

Kaminagaantsi ashi owametantatsiri

Piñaathatakayaari iryaneerikipaeni, eejatzi oryaneerikipaeni poshiyakaawentiri akachaawaarentzi roorika rakachaatanari janthathari akachaarontsi, eejatzi kaaririka janthathari.

Pijampitiri iryaneeriki:

- ¿Iitaka akacharontsiha kaari pamentsitachari akachaatanari antawotha o owachachakini?

- ¿Cha ikantawaetaka akachaarontsi rashi akachaatanari charawa?

Pikemijantaperotiri kameethatakirika rakimi ikanti “kaari janthathari” o ikanti “janthathari”.

Iroñaaka poshiyakaawentiri tsika ikantaetziri ishimaatyaata akachaarontsi, paayitiri inashiyiitachari ijanthatzi akachaarontsi paeni.





Pipayitiri aakotaantsi rantayitiri eejatzi pamitakotiri rantantyaawori kameetha.

Paminaperotiri irika akacharontsiha chaarika itzimi janthathari eejatzi pipothotiri eerishiri janthathari akacharontsiha omaantya kaari janthathari pipothotantyaari kityonkari.



Paminiro eejatzi pijankinatio

Three horizontal dashed lines for writing.



Nashi nowaero:



Iñaawinaperotari rowari shima

Kaminagaantsi ashi owametantatsiri

Pikenkithatakayiiri iryaneeriki eejatzi
oryaneeriki oetaka owanawontsitsitsiri
Ikanteyironi oetaka rantanteyaririni irika
shima aririka itzimi inampiki. Eejatzi
pikanteyiirini rowapiintyaari irika shima, teema
riroperori ashintsiwathatantyaari eejatzi
akenkithashiryantyaari kameetha.

Paminiro paashni amatantyaawori riyoti
irika iryaneerikipaeni eejatzi oetarika
iroka iñaawenatari kameetha rirori eejatzi
eenitatsirika rowayitari paashni ikimitatyaari
wathatsi, chochoki, eejatzi thooshipaeni.

Pipayitiri aakotaantsi rantayitiri eejatzi
pamitakotiri rantantyaawori kameetha.

**Pipothotiro iroka owanawontsi pikowaperotziri poyaari irika shimapaeni eeroka.
Pikanteeyiirini pisheninkapaeni iitaka piñaawinaperotantawori iroka owanawontsi.**



Paminiro eejatzi pijankinatiro

Three horizontal dashed lines for writing practice.



Nashi nowaero:



¿Tsika ijeekika irika shima?

Kaminagaantsi ashi owametantatsiri

Pantakaayitiri aakotaantsi shimapaeni jeekayitatsiri iñaaki antawa eejatzi jekayitatsiri, inkaryaki, eejatzi iñaateniki, eejatzi, iroñaaka pipayitiri apanipaeni iryaneekipaeni, eejatzi oryaneeriki iroka aakotaantsiki.

Irika iryaneeriki pikantayitiri roshiyakawentiro ithapatiro kipatsiki iroka iña antawa, inkaarya, iñaateni piñaathatakayaari irika iryaneeriki raminayitiri tsikarika ijeeki irika shimapaeni.

Pojampitiri iryaneeriki:

- ¿Iitaka kaari ijeekanta irika apanipaeni shima janta inkaryaki?

- ¿Iitaka awijimotirini irika shimapaeni jeekatsiri iñaateniki aririka akoyi oyiiri inkaryaki?
- ¿Iitaka kaari rametantawo irika shima jeekatsiri iñaaki antawa akoyiirika oyiiri inkaryaaki?
- ¿Iitaka kaari rametantawo shima jeekatsiri inkaaryaki akoyiirika oyiiri iñaaki antawa?

Pipayitiri aakotaantsi rantayitiri eejatzi pamitakotiri rantantyaawori kameetha.



Paminero janta othonkapakanta A1 jankinarentsipana piyomatantyaawori okatzi antayitakiripaeni.

Piwichakotiri shimapaeni jeekayitatstsiri janta pashinikipaeni iñaatenipaeni.



Paminero eejatzi pijankinatiro

Three horizontal dashed lines for writing.



Nashi nowaero:



¿Litaka antiri aminakowentantyaariiri irika shimapaeni?

Kaminagaantsi ashi owametantatsiri

Pikenkithawaetakayiri irika iryaneerikipaeni
eejatzi paminiro tsika ikanteeyini riroripaeni
irika iryaneeriki eejatzi oryaneerikipaeni
imatantyaawori ikanteeyiini okaatzi
ranteeyirini eejatzi okaatzi imonkaatiri
raminakowentantyaariri irika shimapaeni.

Panteeyironi eejatzi pijampitiri okaatzi
ikantayitakiri kankoperotatsiri kameetha.

Pijampitiri iryaneeriki:

- ¿Iiroka iñaapaeni antawa, iñaateni
eejatzi inkarya kitianikitaki o
kipachaataki?
- ¿Litaka antiri iroñaaka amatantyaariri
aminakowentiri irika shimapaeni kaari
ithonkanya eekiro ishekiperotatyee?

Pikenkithawaetakayiri irika iryaneerikipaeni
eejatzi paminiro eeroka tsikarika ikantaeyini
maawoeni imatantyaawori ikanteeyiini okaatzi
ranteyiirini eejatzi okaatzika imankaatiri
raminakowentantyaariri kameetha irika
shimapaeni.

Iroñaaka panteeyironi okaatzi pikoyiri eeroka
pantayitiri okimita okantakoyitziri iroka
kamantaantsi eejatzi kankotantsi tsikarika
akantiri aminakowentiri maawoeni shimapaeni.

Pipayitiri aakotaantsi rantayitiri eejatzi
pamitakotiri rantantyaawori kameetha.

**Pipothotiri oshiyakantsi irika aminakowentziriri shimapaeni. Pikantaeyirini cha
pikantaeyaanikami eerokami aminakowentirini irika tsimeeripaeni.**



Paminiro eejatzi pijankinatiro



Nashi nowaero:



Pikenkeshireero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni, oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayitakirika?
- ¿Iitaka iroka antayitakiri piñaawinaperotakari?
- ¿Iitaka paashni pikoyiiri piyoperotiri?
- ¿Ninka amitakotaeni ayoperotantyaari?
- ¿Iitaka paashni pikoyiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Pishiyakaawentiro piñaawinaperotakari iroka okaatzi añaawaetakotakiri cha akantiri aminakowentantyaariri irika shimapaeni.



Paminiro eejatzi pijankinatiro





Aminakowentiri tsimeripaeni



Nashi nowaero:



Thame akenkithatakotiri apaani atziri kominthaantzi

Kaminagaantsi ashi owametantatsiri

Powametheeyiirini iryaneerikipaeni ikemaperotantimiri aririka pikenkithawaeti.

Pikatziyi niyanki raminanteeyiimirini irika iryaneerikipaeni aririka poñaayiririka iroka oshiyakantsi.

Powetsikayiiti oshiyakantachari owashirontsi, jamani, maniro. Iroñaaka eeroka otzimatye piyotiro iroka kenkitharentsi kameetha kenkithatakotachari irika shirampari kominthaantzi eejatzi pikenkithatakotantyaawo iroka aakotaantsi.

Iryaneerikipaeni aririka poñaayiiri iroka aakotaantsi pikenkithatakotakiri.

Pithonkakirorika pikenkithawaetzi roojatzi piwiicheero iroka oshiyakaantsi kenkithatakotachari janta okoñaatzira kameetha inthomoenta.

Irika shirampari kominthaantzi

Irika kominthaantzi ryaatzi antamiki ikinawoetzi, ari rantapaaki rowashiro romanantyaari. Tsirenipaetini ipiyantana itzimashitzi jamani, maniro. Roojatzi amaetyaaka rareetantapaa ipankoki. Tema osheki ikemoshiretaki ramaera osheki wathatsi.

Iroñaaka pojampitiri iryaneerikipaeni

- ¿Cha ryaatzika irika kominthaantzi?
- ¿Cha romanakaka irika kominthaantzi?
- ¿Iitaka wathatsitatsiri ramaeri irika kominthaantzi?

Pikantakotiri irika kominthaantzi, tsikarika ryaantzi.


Pipayitiri aakotaantsi rantayitiri eejatzi pamitakotiri rantantyaawori kameetha.

Pikantakotiro iroka aakotaantsi eejatzi pikenkithatakotiro oetarika okantakotziri.



Paminiro eejatzi pijankinatiro

Three horizontal dashed lines for writing.



Nashi nowaero:



¿Iitaka wathatsitatsiri tsimeri ikentayiitzi ashinkapaeni?

Kaminagaantsi ashi owametantatsiri

Pikantaeyini iryaneriki eejatzi oryaneriki antayiti oshiyakawentiri wathatsi , eejatzi tsimeri ikentayiitzi riripani, ririntzipani antirini .

Pipiyotiro iroka oshiyakantsi kipatsiki. Pikantiri iryaneriki ipampoyeero kameetha. Pikantiri ikanti iitarika inakiri, eejatzi rapatowaeyirini kimiyitachari mawoeni.

Iroñaka Pikantiri iryaneriki raminaperotiri tsikarika itzimi tsimeritatsiri ikentaperoyitzi ashinkapaeni, eejatzi kaari ikentaperoyitzi.

Iroñaka irika iryanerikipani pamitakotiri piwicharyaakayiiri irika oshiyakawentachari tsimeri janta othonkapakanta iwaperipanti.

Pipayitiri apaanipani paperipana rashi rantawaeyitiri, otzimaty pamitakotiri imatantyaawori rowameethatiro kameetha.

Iroñaka pijampitiri irika iryanerikipani

- ¿Iitaka tsimeeritatsiri kimitawakaachari?
- ¿Cha akantirika irika tsimeri ikentayiitzi pawapani?
- ¿Cha akantirika apatotanteyaririni irika oshiyakaantsi?
- ¿Cha otzimika kaari atsipatayitiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A1 jankarentsipana piyomatantyaawori okatzi antayitakiripani.

Pikantiri iryaneriki papatowaeyirini tsimeri chempokitzinkari, tzimayitatsiri iitzipani.



Paminero eejatzi pijankinatio

Three horizontal dashed lines for writing.





Nashi nowaero:



¿Cha akantirika irika owakira akentziri?

Kaminagaantsi ashi owametantatsiri

Piwetsikayitiri iryaneerikipaeni
pikenkithatakantyaariri okaatzi rameteeyarini
irika owakira kentawaetayitatsirini.

Shirampari owakira kentawoetatsi te
okameethatzi royaari owakira ikentziri
aririka rowakyaari eero ikentawaetee ari
romaaminthawaetanaki. Ikoyirika royaari
otzimatyee ikentawaki osheki, roojatzi
rowantanakyariri.

Iroñaaka piwetsikaeyiirini
iryaneerikipeni pishitowakantyaariri
ojanaryekinta, piñaathatakantyaariri
poshiyakaawentantyaariri kominthaantzi,
pikanteeyirini ishintheerenkaeyani.

Piyoyagaeyiirini ikaati mawa iryaneerikipaeni
eenitatsi jewatatsini apaani, niyankitatsini apiti,
impoetapaentsini mawa.

Piñaathawoetya poshiyakawentiri
kinawaerentzi.

Iroñaaka inthomointa pipayitiri jeekayitatsiri
yotaantsinpanko rowameethayitantyaawori
ishintheerinkiro, eejatzi ikanti cha otzimika
jewatatsiri, cha otzimika niyankitatsiri, cha
otzimi impaetatsiri.

Pijampitiri iryaneeriki cha itzimi ikoyiiri ikentiri.

- ¿Cha akantirika owakira akentziri?
- ¿Cha ikaatika ikentiri owakira
kentawoetatsi rowantyaariri
iyominthanka?


Pipayitiri aakotaantsi rantayitiri eejatzi
pamitakotiri rantantyaawori kameetha.

Paminero janta othonkapakanta T1
jankinarentsipana piyomatantyaawori okatzi
antayitakiripaeni.

Piwichaakotiri tsimeri pikoyiri pikentiri owakirani.



Paminero eejatzi pijankinatiro



Nashi nowaero:

Otzimatye itakayaawo ashitawori antamimashipaeni, eejatzi ashitariri tsimeripaeni akoyirika aati akinawaeti

Kaminagaantsi ashi owametantatsiri

Poñaagaeyiirini oshiyakaantsi, eejatzi okantakotziri iroka kantakotantsi jeekakotatsiri owakira itanakari paperipana.

Pikantiri iryaneeriki ikantakotiro iroka aakotantsi eejatzi pojampitiri oetarika okantakotziri.

Ikaati apiti papatoteeyiirini eejatzi paashni papatotiri apapakotatsiri rojarentsiti 5, paashni mawatatsiri rojarentsiti 3, paashni otsipatatsiri rojarentsiti 4

Pikanteeyiirini iryaneerikipaeni roshiyakaawentiri apaanipaeni kominthaantzi, eejatzi ikanti aririka ryaati antamiki ninka ritakari ikoyiirika ikinawoeti antamiki.

Poñaayiri aakotantsi jeekakotaentsiri opashiki paperipeta iroka okantakoyiitzi, eejatzi ikantakotiri, pojampitri iryaneerikipaeni.

- ¿Ninka jatatsiri ikinawaetzi antamiki?
- ¿Cha ikantziroka iroka ashitakaantawori antamikipaeni?
- ¿Cha ikantziroka ikowakotziro?

Piñaanatiniri iroka tsika ikantiro ritakaantyaawori “Nokyaaty antamiki nokinawoeti eero pomantsiyaana”

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta T2 jankinarentsipana piyomatantyaawori okatzi antayitakiripaeni.


Paminiri irika tsimeri, eejatzi pikenkishireeya iitaka tsimeritatsiri, roojatzi powicheeri irika tsimeri jeñokiini oshiyakaantsiki.



Paminiro eejatzi pijankinatiro

Three horizontal dashed lines for writing.





Nashi nowaero:



Omanapithatantyaariri owashirontsiki tsimeri

Kaminagaantsi ashi owametantatsiri

Pikenkithatakayiiri iryanerikipaeni tsika akantirika akominthatantyaariri irika tsimeripaeni.

Pikantiri iryaneerikipaeni ikanteeyiimini cha itzimika tsimeri ikominthateetziri aririka owashitaantawaetyaa.

Pojampitiri tsika ijeekakika kominthaantzi, eejatzi tsika ijeekakika tsimeri ikentakiri.

Iroñaaka eeroka pamini paashni pantakayiriri imatantyaawori ikanteeyiimini paashnipaeni ikominthatantaetawo owashirontsi.

Piñaathatakayaari ojanarekinta powayitiro oetarikapaeni jewatatsini eejatzi impaetatsini iroñaaka pojampitiri:

- ¿Iitaka newatakiri, iitaka nimpoetakiri?

Pikantiri rowametheeyirini jeekayitatsiri yotantsipankoki impoetatsini, eejatzi jewatatsini.

Pikemijantaperotiri ikantaperotakirika kameetha, teerika ikantzi kameetha pamitakotiri ikantantyaawori kameetha.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A2 jankinarentsipana piyomatantyaawori okatzi antayitakiripaeni.

Powicheero kompiroshi romanatyaari kominthaantzi, eejatzi powicheeri tsimeri rewatiro owashirontsi.



Paminero eejatzi pijankinatiro

Three horizontal dashed lines for writing.





Nashi nowaero:



¿Cha akantirika irika wathatsi kaari ishitzitantya?

Kaminagaantsi ashi owametantatsiri

Pikaemiro apaani tsinani yotziriri tsika ikanteetziri ikatyokaetziri wathatsi, eejatzi pikantiro okenkithatakayiri iryaneerikipaeni tsika ikanteetziri ikatyokaetziri wathatsi.

Pikemijantaperotiri iryaneerikipaeni ikemaperotakirorika iroka tsinani kenkithawaetatsiri, iroñaaka pipayitiri apapanawo paperi ojeekayiitzi otsipata oshiyakantachari ari ijankinatiro okaatzi okantziri iroka tsinani.

Pikantiri iryaneeripaeni eenitatsirika rojampitirori iroka tsinani.

Pikoyirika panti aakotaantsi, eerorika poñaagashityaari aakotaantsi jeekakotatsiri paperipanakiki, ikenkithashiryantanaeyawori tsika ikantetziri ikatyokaetziri wathatsi kaari ishtzitantya.

Pojampitiri:

- ¿Oetaka piñaawinaperotakari okenkithatakotakiri apani tsinani?
- ¿Piyotzi eeroka tsika akantirika wathatsi kaari ishitzitantya?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta T3 jankinarentsipana piyomatantyaawori okatzi antayitakiripaeni.

Powicheero oetarika kowityaagaenchari jaga oshiyakantsiki kaari ishitzitantya wathatsi.



Paminero eejatzi pijankinatiro

Three horizontal dashed lines for writing.





Nashi nowaero:



¿Oetaka agaetziri akentantyaari tsimeri?

Kaminagaantsi ashi owametantatsiri

Powetsikaeyiirini iryaneerikipaeni ikemijantaperotantimiri kameetha aririka pikenkithatakayiri, pojampitiri iitaka agaetziri awetsikantyaari akentantyaariri tsimeripaeni.

Pijankinatakotiro paperi janthawanawoki, jankinamentotsiki okaatzi ikantayitakiri agaetziri awetsikantyaari akentantyaariri tsimeripaeni.

Iroñaaka pamini pashini iitarika pantakaayiriri iryaneerikipaeni. Paminantyaariri ikenkithatakayimi iitarika paashni agaetziri akominthatantyaariri tsimeripaeni, eejatzi iitaka ashitziriri tsimeri shiwankitzinkaripaeni.

Pojampitiri:

- ¿Oetaka piyoyitziri eeroka agaetziri akentantyariri tsimeri?
- ¿Ninka yotakaantzirori antzirori akentantyaariri tsimeri?

Poñaagaeyiirini jeekayitatsiri yotaantsipankoki kimitachari, oshepirontsi, oshiyakaantsi rapatowaeyantyaaworini riyomaayitiro tsikarika okantawaetakapaeni, eejatzi oetairika opothoyiitaripaeni.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A3 jankinarentsipana piyomatantyaawori okatzi antayitakiripaeni.

Ppatoyitiri agaetziri akentantyaariri tsimeri shiwankitzinkari, eejatzi tsimeri chempokitzinkari, iroñaaka piwicheero okantatepokitakaga iyomaayitaripaeni.



Paminero eejatzi pijankinatiro



Nashi nowaero:



Pikenkeshireero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni, oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayitakirika?
- ¿Iitaka iroka antayitakiri piñaawinaperotakari?
- ¿Iitaka paashni pikoyiiri piyoperotiri?
- ¿Ninka amitakotaeni ayoperotantyaari?
- ¿Iitaka paashni pikoyiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Pishiyakaawentiro piñaawinaperotakari iroka okaatzi añaawaetakotakiri cha akantiri aminakowentantyaariri irika shimapaeni.



Paminiro eejatzi pijankinatiro







**Aamaakotyaawo
awankiwaeripaeni**



Nashi nowaero:



Thame ayotakotiro akenkithatakotiro iroka kaniyatzi antawakaenkawo

Kaminagaantsi ashi owametantatsiri

Pikanteeyiirini iryaneerikipaeni
eejatzi oryaneerikipaeni
okemijantaperotimi, ikemijantaperotimi okaatzi
pikenkithatakotiro iroka antawakaenkawo
kaniyatzi owatzi.

Eenitatsi shirampari ikaatzi mawa
iñaawinatawo rowintawaetzi kaniyatzi.
Eenitatsi apaani shirampari rowintzi kaniyatzi
okaatzi montyaapaka 6, kaniyatzi, eejatzi
paashni shirampari rowintaki okaatzi apapako
5 kaniyatzi, paashni impoetapaentsiri
shirampari rowintaki okaatzi mawa 3 kaniyatzi.

Irika shirampari owintawitenchari
montyaapaka, apapako kaniyatzi,
kantzimaetencha tee onintaperotzi, eejatzi
tee owathataperotzi. Omaantya owinteentsiri
mawa kaniyatzi rootaki shookaperotaentsiri,
eejatzi wathaperotaki. Iroñaaka
ikenkishiryaanaka tee okameethatzi owinti
osheki kaniyatzi eero oshookaperotzi, eejatzi

eero owathaperotzi, omantya owintirika mawa
kaniyatzi aritaki owathataperotaki kameetha.
Eejatzi aritaki aapithatawakakyaawo
owoshininkirori kipatsi, rootaki iroñaaka
owintantaetari mawa kaniyatzi.

- ¿Irika shirampari iitaka ranteeyiirini?
- ¿Iitaka awijimotironi iroka kaniri aririka owintaki osheeki?
- ¿Iitaka kaari oshookantaperota iroka kaniri?
- ¿Cha okaatika kaniyatzi owintiri oshookantaperotyaari kameetha, eejatzi owathaperotantyaari?




Pipayitiri aakotaantsi rantayitiri eejatzi
pamitakotiro rantantyaawori kameetha.

Paminero janta othonkapakanta A3
jankinarentsipana piyomatantyaawori okatzi
antayitakiripaeni.

Paminero iroka aakotaantsi, iroñaaka pikenkithatakotiro iroka kenkitharentsi ikemanteyiimirini pikaateeyiinipaeni.



Paminero eejatzi pijankinatiro



Nashi nowaero:



¿Cha akantziroka athatzinkantyarí waantsi apankiwaetantyaari?

Kaminagaantsi ashi owametantatsiri

Piwetsikaeyiirini iryaneerikipaeni
pishitowakaantyariri ojanarekinta
pyaatakantyaariri janta waantsiki.
Paminakayiiri itarika ipankiyiitziiripaeni
waantsiki, iroñaaka ikanteyiimini itarika iñaakiri
pankiyiitacharipaeni.

Pijampitiri ryaatzirika ramitakoyiitzi
ashitariripaeni ipankitakotzi waantsiki,
iroñaaka pipiyakagaeri yotaantsipankoki.

Iroñaaka inthomaenta yotantsipankoki
powiyoteyiironi aakotaantsipaeni kimitachari:
Thatzinkantsi, towaantsi, chekaempitaantsi,
tagaantsi, eejatzi pometaantsi,
poñaagaeyiirinipa impoetapaakinta
iwaperitipaeni, eejatzi pikanteyiirini
ikantakotiro iroka aakotaantsipaeni.

Jampitaantsi:

- ¿Ninka anteyiirorini iroka waantsipaeni?
- ¿Iitaka awijatsini eerorika
ramitakotawakaeyani ithatzinkaeyiini
waantsi?

Pipayitiri aakotaantsi rantayitiri eejatzi
pamitakotiri rantantyaawori kameetha.

Paminero janta othonkapakanta T3
jankinarentsipana piyomatantyaawori okatzi
antayitakiripaeni.

Powayitiro niyankipaeni tekiraga owayitaga okaatzi anteetzi athatzinkantyaari waantsi apankiwaetantyaari.



Paminero eejatzi pijankinatiro



Nashi nowaero:



Ñaathataantsi kaemantsi waak waak waak aririka otyayi inchato

Kaminagaantsi ashi owametantatsiri

Pishitowakaayitiri iryaneerikipaeni ojanareeki piñaathatakantyaariri, pishintheerinkakayaari iryaneerikipaeni kemotaneeteentsiri roshiyaawentantyaariri inchatopaeni. Piñaathatakayaari pitajonkaeyirini mawoeni iryaneeriki ichereeyanakini ikaemaeyanakini waak waak waak.

Pamayitaki inashiyitachari oetarikapaeni kimitachari mapi, tsipana, inchakyeriki, iñaathatantyaari iryaneerikipaeni.

Iroñaaka pikanteyiirini iryaneeriki royoyaayiti oetarikapaeni rapatoeyiironi mapi, tsipana, inchakyeriki.

Pikanteyiirini rowamethayiitiro mapi, tsipana, eejatzi inchakyeriki oryanini antawo.

Jampitaantsi:

- ¿Cha otzimika mapi kaari antawoperotatsiri?
- ¿Cha otzimika mapi antawoperotatsiri?
- ¿Ari pimatakiro pinashityaawo eeroka powamethatiro?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta T4 jankinarentsipana piyomatantyaawori okatzi antayitakiripaeni.


Piyomaatiro iroka mawataentsiri inchato towoenchari ewonkitonkiri eejatzi antawopetatzi ikaemaeyini waak waak waak rotentsirika ithonkiro.



Paminero eejatzi pijankinatiro

Three horizontal dashed lines for writing practice.





Nashi nowaero:



¿Iitaka ipankiyitziri asheninkapaeni?

Kaminagaantsi ashi owametantatsiri

Paayitanaki inashiyitachari ipankiyitaetziri, eejatzi pikantiro apaani nana amitakotimi.

Pikenkithatakayiiri iryaneeriki, eejatzi oryaneeriki ikantaeyimini tsika ikantetziro ipankitziro kaniyatzi, shinkiki, eejatzi jantziraki.

Pikantiri iryaneerikipaeni ikantaeyimi oetaka kaniyatzitatsiri ipankiyiitziri, eejatzi riyoyitziri.

Powayitiniri apanipaeni ipankitayiitetziri jaga rowantayiitawori iwaperitipaeni pikantaeyirini iryaneerikipaeni riyoyaayitiro,

eejatzi rapatoyitiro iroka inashiyitachari ipankitayiitetziri, ikoyirika rapatoyitiro ikowakaari rirori, iroñaka ikantaeyimini iitaka rapatowantaeyakaworini.

Jampitaantsi:

- ¿Iitaka atsipatanteyakaworini iroka pankirentsi?
- ¿Rooperotaki okaatzi antakiri inashityaawo atsipatayiitiro?

Pipayitiri aakotaantsi rantayitiri eejatzi pamitakotiri rantantyaawori kameetha.

Pashitakotiro pankirentsi antawoperotatsiri inashiyitachari.



Paminiro eejatzi pijankinatiro



Shinki



Nashi nowaero:



¿Cha ikantetziroka ikayagaetziro iroka shinki athakayitiri?

Kaminagaantsi ashi owametantatsiri

Paanaki osheki shinki janta yotaantsipankoki powapaakiro tsikarika ojeekakotzi okantakotziri.

Pikanteeyiirini iryaneerikipaeni ikenkithawaetakayimi tsikarika ikantaetziro ipankiteetziro shinki.

Poñaayiri aakotantsi shinki kayagaenchari niyanki, eejatzi pojampitiri ¿iitaka ikayagaetantawori riweyantetawori niyanki iroka shinki?

Pojankinatakotiro okaatzi ikanteyakirini.

Pipayitiri ipiyoteyakanira iryaneerikipaeni iroka shinki ikayaantyaawori ipankiteeyirini.

Pipayiitiri aakotaantsipaeni jeekakotatsiri iwaperitiki piñaanatakayiri iryaneerikipaeni ñanarentsi shinki.


Pikowakotiri iryaneeriki royiroy jankinapatzitotantsiki.

Pipayitiri aakotaantsi rantayitiri eejatzi pamitakotiri rantantyaawori kameetha.

Piñaanatiro pitsipatyaawo owametzimiri eejatzi pipothotiro shinki.



Paminiro eejatzi pijankinatiro



Nashi nowaero:

¿Iitaka awijatsini aririka owamaakiri irika tsimeri poeyotzi?

Kaminagaantsi ashi owametantatsiri

Pojampitiri iryaneerikipaeni ¿Iitaka apanipaeni kaniri oshithapaerikitantari te otzimaperotzi owatha? ¿Iitaka awijimotakirori iroka kaniri pankiwitenchari? ¿Piyotziri tsimeri iitetziri Poeyotzi?

Pojampitiri ikoyirika iñaathawaetya ¿ninkarika oshiyakawentirini irika tsimeri poeyotzi?

Pishitowakayiiri ojanarekinta poshiyakawentantyaariri cha ikanta riraga poeyotzi, eejatzi cha ikanta raawaetzi irika poeyotzi. ¿Iitaka awijatsini aririka owamaeri, eejatzi aririka owakyari irika poeyotzi?

Pikantaeyirini tee okameethatzi owamayiri tsimeripaeni tema ikoyii eejatzi rirori rañe iroñaaka pikantaeyirini ranteeyironi rantawoero jeekakotatsiri iwaperipantiki.

- ¿Okameethatzi owamayiiri irika tsimeri poeyotzi?
- ¿Iitaka pikantiriri irika tsimeri poeyotzi?



Otzimatye pijankinati eeroka oetarika pikowakari.

Pipayitiri aakotaantsi rantayitiri eejatzi pamitakotiri rantantyaawori kameetha.

Pipothotiri irika poeyotzi, eejatzi pojankinatiro iwaero irika poeyotzi.



Paminiro eejatzi pijankinatiro



Nashi nowaero:



Aashiteetzirori oshokantyari kameetha kaniri

Kaminagaantsi ashi owametantatsiri

Paayitanaki inashitachari kaniyatzi
janta yotaantsipankoki pikantaeyirini
iryanerikipaeni ipiyopichokyeerikitya
rantantyaawori okaatzi pikantiriri .

Pijampitiri iitaka inashiyitachari kaniri
okiterishitantari, paashni nintaperotatsiri,
oshi, oshoki antawo, osheki owatha.
Pijankinatakotiro ikantayitakiri. Pojampitiri
iryanerikipaeni riyotashitzirorika
oshokantyaari kameetha kaniri.

Poñagaeyiirini waantsi kaniri iroñaaka
pikanteyiirini iryanerikipaeni rojampitapaeri
ashitariripaeni iitaka raashitzirori
oshookaperotantyaari kameetha iroka kaniri.

Pipayitiri aakotaantsi rantayitiri eejatzi
pamitakotiri rantantyaawori kameetha.

Pipothotiro kaniri nintaperoteentsiri eejatzi tzimaperotatsiri owatha, omaantya kaari wathaperotatsiri pikicharinkakotiro.



Paminiro eejatzi pijankinatiro

Three horizontal dashed lines for writing.





Nashi nowaero:



Pikenkeshireero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni, oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayitakirika?
- ¿Iitaka iroka antayitakiri piñaawinaperotakari?
- ¿Iitaka paashni pikoyiiri piyoperotiri?
- ¿Ninka amitakotaeni ayoperotantyaari?
- ¿Iitaka paashni pikoyiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Pishiyakaawentiro piñaawinaperotakari iroka okaatzi añaawaetakotakiri cha akantiri aminakowentantyaariri irika shimapaeni.



Paminiro eejatzi pijankinatiro





**Tee añaperoteero
riwetsikantaetari pankotsi**



Nashi nowaero:



Tsirotzi wetsikawoerintzi imaashi

Kaminagaantsi ashi owametantatsiri

Pipiyoteeyirini iryaneerikipaeni ijeeki jaka ikemantyaawori iroka kenkitharentsi.

Pojampitiri riyotziririka tsimeri yotzirori riwetsikawaetzi imashipaeni pikenkithatakayiri iroka kenkitharentsi.

Irika tsirotzi wetsikawoerintzi

Ikanta paerani apaani yotzirori iwetsikawaetzi iwaero tsirotzi, iñaawinatawo iwetsikawaetzi imashi tsikaripaeni inchatomashipaeni.

Ikanta apaani kitejiri ipokashitakiri apaani atziri te riyotzimaetari tsikarika ipoña, ari rojampitapaakiri ¿iitaka pantziri? Rakanakiri ikantziri nowetsikawaetatzi nopanko.

Roojatzi ikantziri iroñaaka pipeyeeyari tsirotzi wetsikawaerentzi, ashi powaero pikantaetatyeyani roojatzi iroñaaka.

Pojampitiri iryaneerikipaeni:

- ¿Iitaka okenkithatakotziri ikoka kenkitharentsi?


Pijankinatakayiiri iwoero tsirotzi kipatsiki, impanekiki, eejatzi shitamenkotsiki pijankinatantyaawo jankinamentotsi.

Pipayitiri aakotaantsi rantayitiri eejatzi pamitakotiri rantantyaawori kameetha.

Pijankinatiri iwaero irika wetsikawaerentzi piñaakiri aakotaantsiki.



Paminiro eejatzi pijankinatiro



Nashi nowaero: _____



¿Iitaka ikamanteeri irika tsiya?

Kaminagaantsi ashi owametantatsiri

Pishitowakayiiri iryaneerikipaeni ojanarekinta panashitakaayityaari nampitsikira irika iryaneerikipaeni raminayitiro maawoeni jeekayitatsiripaeni.

Pikantiri ramineyiini jenokinta menkoriki ikemijantiro oetarika poemayitatsiripaeni.

Paminiro rooperori tsikarika piweekakayiri iryaneerikipaeni, pikimitakaantyaawori kantatepokitzinkawo.

Pikantiri iryaneerikipaeni rashitiro rokipaeni, ikemijantiro mawoeni oetarika paemayitatsiri.

Iroñaaka pipayitiri apaanipaeni iryaneerikipaeni, roojotyaari rokikipaeni, eejatzi iroñaaka ikanteeyiimini oetarika ikemaeyakirini ¿Oetaka pikemakiri? Pikemijantiri oetarika ikanteeyimirini.

Pipiyakagaeri maawoeni pikenkithawaetakayiri oetakarika ikemayitakitzi janta ojanarekinta.

Mampantsi

Chek chek chek chek riyotakotziro tsiyani aririka aati akonawaeti, akonawaeti, ayotanakirani owamatyeeri akonatayitakiripaeni, omantakya akemakiririka rirakya tsiyani ikantaki jinja jinja jinja jinja ayotanakirani eerowa owamayiri akonatawitakarini, akonatawitakarini.

- ¿Iitaka ikamantaeri irika tsimeritatsiri tsiya?
- ¿Cha ikanta riraga irika tsiya ayotantyari rooperotatsiri, eejatzi kaariperotatsiri?
- ¿Iroñaaka poshiyakaawentiri cha ikanta riraga irika tsiya?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta K1 jankinarentsipana piyomatantyaawori okatzi antayitakiripaeni.



Piwetsiki poshiyakaantyaari irika tsiya cha ikanta riraga riyotakotantyaawori rooperotatsiri, eejatzi kaariperotatsiri.



Paminiro eejatzi pijankinatiro

Three horizontal dashed lines for writing.





Nashi nowaero:



Cha ikaatzika kashiri ichekantetari inchapanki iwetsikantetari pankotsi

Kaminagaantsi ashi owametantatsiri

Piwetsiki aakotaantsi kashiri rowatzipankatapakyaarika.

Pojampitiri:

- ¿Piyotziri ikanteetziiri kashiri ikontechetapaaki?
- ¿Piñaakiri ishitoyi?

Pikenkithatakayiiri iryaneerikipaeni tsika ikantawaeta kashiri owakira ikontechetzi, eejatzi rotzipankatapakyaarika kashiri.

- ¿Piripaeni roñaayimiri cha ijeekika irika kashiri?
- ¿Cha ikaatzika kashiri ichekantetari inchapanki ashi awetsikantyaari pankotsi?
- ¿Iitaka awijatsini aririka achekiro inchapanki kashiri owakira ikontechetzi?

- ¿Cha ijeekika irika kashiri?
- ¿Cha okaatzika ishitowantari irika kashiri?
- ¿Cha ikantawoetaka kashiri owakira kontechetzi, eejatzi kashiri kontepankatapaentsiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A3 jankinarentsipana piyomatantyaawori okatzi antayitakiripaeni.


Paminero aakotantsi, eejatzi powayiitiro iroka wichakopetokitaantsi oorya, eejatzi kashiri okantakoyiitzi iroka kantakotaantsi.



Paminero eejatzi pijankinatiro

Three horizontal dashed lines for writing.





Nashi nowaero:



Achempokyaagaeyiironi iroka pankotsi

Kaminagaantsi ashi owametantatsiri

Pijampitiri iryaneerikipaeni:

- ¿Piñaakiro cha ikantetziroka iwetsikaetzi pankotsi?
- ¿Cha akantyaaka amitakotawakaya athonkantyaawori achempokyeero intsipaeti?
- ¿Iitaka itetari owoetziri owakirani ochempokyanakya pankotsi?
- ¿Oetaka owoetziri eejatzi othonkantanyakari pankotsi?
- ¿Ninka antawaeteeyatsirini owetsikyarika pankotsi?
- ¿Iitaka antiri ayotantyaawori awetsiki pankotsi?
- ¿Iitaka kaari riwetsikanta pawapaeni pankotsi okimitaga?

Piñathatakayaari iryaneerikipaeni cha ikanteetziro iwetsikaetziro pankotsi, jeekayiitatsiri yotaantsipankoki.

Pijampitiri cha ikantakiroka riwetsikantakari pankotsi, eejatzi ikanteeyiini cha ikantakiroka riwetsikantakari iroka pankotsi.

Ikantaeyini oetaka raakiri riwetsikantakawori iroka pankotsi, kipayepanke, wakapopanke, jiriwatzipanke, koshiritzipanki, kapokyarikipanke.

- ¿Ninka wetsikayiitatsiri iroka pankotsi?
- ¿Cha akantiroka achempokyantyawori intsipaeti iroka pankotsi?

Pipayitiri aakotaantsi rantayitiri eejatzi pamitakotiri rantantyaawori kameetha.


Piyomaatiro tsikarika okaatzi oshekitzi inchapanki iyomaatyaari ashirikashitantyaawori kompiroshi okaati apapako 5.



Paminiro eejatzi pijankinatiro

Three horizontal dashed lines for writing.





Ashirikashitanyawo pankotsi kompiroshi

Kaminagaantsi ashi owametantatsiri

Pijampitiri iryaneerikipaeni riyotziorika tsikarika ipoñaakagaetawo iroka kompiroshi ashirikashitanyawori pankotsi, eejatzi eenitatsirika riyotziri shirikashitzirori iroka kompiroshi.

Pikanteeyirini jami anashiwaetakitya okaatzinta pinampitsiti aminantyaawori tsikarika okantaka pankotsipaeni shirikashiteenchari pankotsi. Pijampitiri cha okaatzika kompiroshi agaetzi ashirikashitanyawori iroka pankotsi: ¿Osheeki? ¿Eechonkini?

Pipiyapaerika yotaantsipankoki, pikenkithawaetakayiiri cha ikanta iñaakitziro oshirikashita pankotsi.

Pijampiteeyiirini cha ikanta iñaakitziro pankotsipaeni jeekayiitatsiri inampitsitikipaeni.

Pijampitiri:

- ¿Cha ikanteetziro ishirikashitziro kompiroshi?
- ¿Cha okaatzika kompiroshi iyomaatari iroka pankotsi ? ¿Osheeki? ¿Eechonkini?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro shirikashitaantsi pankotsi, eejatzi pipothotantyaawo eeriki iroka kowityagaenchari eechonkini kompiroshi ashirikashitantari omaantya picharinkakotiro kijaari iroka pankotsi kowityaapaenchari kompiroshi oshirikashitanyawori pankotsi.



Paminiro eejatzi pijankinatiro



Nashi nowaero:



Tantotaantsi pankotsi

Kaminagaantsi ashi owametantatsiri

Pikanteeyiirini iryaaneerikipaeni ramineeyiironi yotaantsipanko. Pikantiri rokotimiro iroka owaeropaeni otantotsi, otomooyitapaeni, shirikashitaantsi, ashitakoontsi, shitamenkotsi.

Pijampitiri ¿Oetaka agaetakiri ishirikashiteetziri?

Pikanteeyirini ikanteeyiimini apaanipaeni iitarika ishirikashitari iroka yotaantsipanko tsikarika okoñaataki shitamenkotsi, pojampitiri cha ikanteetakiroka riwetsikanteetakawori iroka shitamenkotsi, eejatzi piñaathatakayaari piwetsikakayiri shitamenkotsi, pantantyaawo

shiwiraapatayitachari kitsi yomaatakoyitzirori, eejatzi pashnipaeni ishintheerinkayitiro itsipatayiitiropaeni okaatzi ojanthayitzi.

- ¿Oetaka ishitamenkotantaetari jaawiki pankotsiki?
- ¿Cha ikanteetziroka iponkaetziro kamponakota?
- ¿Oetaka agaetziri ishitamenkotantetari?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A4 jankinarentsipana piyomatantyaawori okatzi antayitakiripaeni.







Pishitamenkotiro jaawiki pankotsi piyomaaperotiro kameetha.



Paminero eejatzi pijankinatiro

Three horizontal dashed lines for writing.





Nashi nowaero: _____



¿Cha akantziroka apanko akempoyaantyaawori kaari opathaantya intsipaeti?

Kaminagaantsi ashi owametantatsiri

Paanaki inashiyitachari inchapankipaeni janta yotantsipankoki, kimitachari meshaki, kiniya roperori pamasheyanto.

Janta ojanarekinta pikatziyakagaeyarini pikimitakantyawo kantatepokitzinkawo, eejatzi poñaayiiri inashiyitachari inchatopaeni, pojampitiri ¿cha otzimika tsitsi pamasheperotatsiri atawotantyawori pankotsi?

Poonthoti paamari eejatzi Paminakayiri cha okanta oponthotzi paamari.

Pijampitiri:

- ¿Iitaka oonthotantetawori iroka paamari?

- ¿Oetaka inhashitatsiri atawotantyawori iroka pankotsi?

Pikenkishireyawo pitawotiro pankotsi kaari ikyantya periki, eejatzi kaari rowantyawo thompita kompiroshipaeni.

- ¿Ninka tawotzirori pankotsi?
- ¿Iitaka awijiimotironi iroka pankotsi eerorika itawotetziro?

Pipayitiri aakotaantsi rantayitiri eejatzi pamitakotiri rantantyaawori kameetha.

Pashitakotiro iroka tsitsi itagaetziri, eejatzi kaari itagaetziri, pipothotiro kaari itagaetziri.



Paminiro eejatzi pijankinatiro



Nashi nowaero:



Pikenkishireero itakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni,oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayiitakirika?
- ¿Iitaka iroka antayitakiri piñaawinaperotawakari?
- ¿Iitaka paashni pikoyiiri piyoperotiri?
- ¿Ninka amitakoteeni ayoperotantyaari?
- ¿Iitaka paashni pikoyiiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro akempoyantyaawori iroka okaatzi añawoetakotakiri cha akantiroka akempoyantyaawori iroka pankotsipaeni.



Paminiro eejatzi pijankinatiro





**Aminakowentiri jeekayitatsiri
antamikipaeni**



Nashi nowaero:



Sheripiyari kantakaaperotzinkari

Kaminagaantsi ashi owametantatsiri

Piwetsiki aakotantsi manitzi, mawo, eejatzi shirampari .

Pipiyotiri iryaneerikipaeni eejatzi pikanteeyirini jami anti apaani kenkitharentsi, Poñaayiri aakotaantsi eejatzi pijampitiri eenitatsirika riyotziri kenkitharentsi.

Pikanteeyirini iryaneerikipaeni, eejatzi oryaneerikipaeni iitaka akenkithashireeyarini iroka kenkitharentsi rashi asheninka.

Manitzi eejatzi atziri sheripiyari ikanteeyirini irika shirampari nopagantimi eejatzi eerori eechonkini mawo aminantyaari ninka oshekyayirini irika mawo, roojatzi apaani ojarentsi ipeyaka mawo Iroñaaka irika sheripiyari ikowakoteeri manitzi ipagantiri eechonkiini mawo, tema te imateeri ipankiti irika sheripiyari mawo ikantakaperowitaga paerani. Irika manitzi ikantziri sheripiyari aritaki nopankiti paashni mawo erowakyapa pikantakaaperotanaa, eero pamatawitziri pisheninkapaeni,eejatzi nampitsipaeni.

Pipayitiri aakotantsipaeni irika iryaneerikipaeni, eejatzi pikantiri ikenkithatakayiri isheninkapaeni

Pijankinatakotiri okaatzi ikantayitakiri irika iryaneerikipaeni.

Othonkapaaka papitiro piñaanatiro pijankinatakiri pijampitiri kameethatakirika okaatzi ikantakiri, eenitatsirika ikenkishiryari paashni ranteeyirinipaeni.

Pijampitiri iryaneerikipaeni:

- ¿Iitaka paashni kenkitharentsitatsiri piyoteeyirini?

Ari pimatakiri pikantakotiri paashnipaeni iroka kenkitharentsiki otzimatye ranteeyironi iryaneerikipaeni apaani kenkitharentsi.


Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro aakotantsi, pijankinatakotiro, eejatzi poyiro iroka kenkitharentsi pikowakaari eeroripaeni.



Paminiro eejatzi pijankinatiro

Three horizontal dashed lines for writing.



Nashi nowaero:



Owitero kaimito

Kaminagaantsi ashi owametantatsiri

Pipayiteri iryaneerikipaeni iroka
aakotantsi antayitenchari ejatzi
pikowakoteri ikantakoyitero charika okanta
inashiyitacharipaeni.

Iroñaka ikantayiite oetarika oweropaeni kaari
iñayiitakiripaeni ejatzi koñaayitatsiripaeni.

Pikenkithatakotero iroka owitantsi
chochokipaeni iroñaka pojampiteri:

- ¿Cha okanta okoñatantaari iroka
kaimito? ¿Tsika oshitoyika?

Pikemijanteri roperotakirika rakakimiri iroñaka
piweshiriawentyaari.

Pipayitiri aakotaantsi rantayitiri eejatzi
pamitakotiri rantantyaawori kameetha.

Piyomatayitero iroka aakotantsi ejatzi pashitakotero charika inashiitacharipaeni.



Paminiro eejatzi pijankinatiro

Three horizontal dashed lines for writing practice.



Nashi nowaero:



Aminiro awotsi aatantyaari owiiti pamaki

Kaminagaantsi ashi owametantatsiri

Piwetsiki osheki chekopi pikimitakaantyaawo awotsi powayitiro kipatsiki iroka chekopi.

Pojampitiri iryaneerikipaeni cha okantawoetaka awotsi areetantyaari yotaantsipankoki. Pikemijantiri cha ikanteeyimini, pishitowakayiri ojanareekinta eejatzi pikanteeyirini ranashiwaetya ikimitakaantyaawo owakira ipoki inampiki roojatzi yotaantsipankoki.

Pijampitiri:

- ¿Cha okantawaetaka awotsi?
- ¿Cha okantawaetaka inashiyita iroka awotsi?

Pikanteeyirini ranteeyironi apaniroeni iroka awotsi inampiki roojatzi yotaantsipankoki.

Poyiitiro aakotantsi pankotsi inteeneeni eejatzi aakotaantsi yotaantsipankoki inteeneeni, pipayitiri chekopipaeni irika iryaneerikipaeni rantantyaari awotsi pankotsiki roojatzi yotaantsipankoki rowayitiro kipatsiki.

Pojampitiri iryaneerikipaeni:









- ¿Iroka awotsi aatantyaari owiiti pamaki janthari o kaari o eejatzi oshiyawo pinampiki roojatzi yotaantsipankoki?

Pipayitiri aakotaantsi rantayitiri eejatzi pamitakotiri rantantyaawori kameetha.

Pamitakotiri irika atziri ithotyaakotiro pamaki ithapatakotiro chekopiki.



Paminiro eejatzi pijankinatiro



Nashi nowaero:

Aashitayitirori iroka owiitantyaari chochokipaeni

Kaminagaantsi ashi owametantatsiri

Paanaki kantziri, thaato tsikomerontsi janta yotaantsipankoki.

Pijampitiri

- ¿Cha akantayitiroka iroka amayitakiripaeni?

Paminiro iroka jeekayitatsiri, piwetsikayitiro Pishintheerinkiro kantziri, thaato eejatzi tsikomerontsi, pojampitiri aririka nokoyi naapiitiro oetaka oyatironi iroka tsikomerontsi.

- ¿Kantziri, thaato o tsikomerontsi?

Pipayitiri jeekayitatsiri yotaantsipankoki kankontyakerikiri eejatzi akanteeyirini iroka kantziri ari amatakiro oshiyakaawentiro kantatepokitzinkawo, ashi thaato thapakontyakerikiri, eejatzi tsikomerontsi okimita tsikontoche.

Pikanteyirini raminiro ikowakantari rirori owothonka eejatzi royatakayitiro okantakoyitzi.


Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro eejatzi pipothotiro aakotantatsiri oyaatakotzirori.



Paminiro eejatzi pijankinatiro

Three horizontal dashed lines for writing.



Nashi nowaero: _____



Amanantiri eejatzi apimantiri toniroki

Kaminagaantsi ashi owametantatsiri

Paanaki toniroki janta yotaantsipankoki poñaayiri iryaneerikipaeni raminantyaawori kameetha.

Pikenkithatakayiri iryaneeripaeni cha ikanteetziro toniroki iyotantaetawori rooperori iroka toniroki oyaawo eejatzi apimantiro, owatha rooperori eejatzi kaari rooperori meshkipookitzinkawo.

Pojampitiri iryaneerikipaeni cha ikanta iñaayitakiro iroka tonirokipaeni:

- ¿Piyotziro pashini opothotari toniroki?
- ¿Cha okantawoetaka toniroki rooperotatsiri apimantiri?

- ¿Cha okantawoetaka opothotari iroka toniroki owoeyarini aakapaeni?
- ¿Oetaka kaari kameethatatsiri akoyirika owiiti iroka toniroki?
- ¿Cha okaatika apimantiro iroka toniroki?



Pipayitiri inashiyitachari jeekayitatsiripaeni iroñaaka powiyoyitiro okaati apapakopaeni 5 aapithataantsi eejatzi apatowaantsi aririka akowoeyironi.

Pipayitiri aakotaantsi rantayitiri eejatzi pamitakotiri rantantyaawori kameetha.

¿Cha ikaatzika ikithoki koriki pamanantantakari toniroki? Pípothotiro.



Paminiro eejatzi pijankinatiro



Nashi nowaero:



Owiitantsi kachariki eejatzi koekitaantsi kachariki

Kaminagaantsi ashi owametantatsiri

Pikenkithawaetakayiiri iryaneerikipaeni cha ikanteetziri owiiteetziri kachariki.

Pishtowakayiiri ojanareeki Paminakayiri cha ijeeki iwiyo kachariki, tekatsirika poshiyakaawentiri iwiyo kachariki jaga okaankityeera yotaantsipankoki.

Paanaki mapi poshiyakawentantyaariri iwiyo kachariki.

Pipiyoteeyirini apiti iroñaaka poshiyakaawentiri powiitiri agaentsiri kachariki.

Piñaathatya powiiwaeti kachariki, eejatzi paminiri shekiperteentsiri, rapatowaeyani eejatzi pashni owiitawaetatsiri.

Pijampitiri:

- ¿Cha ijeekakika ishekiperotakika kachariki?
- ¿Cha ijeekakika eeelonkini kachariki?

Pipayitiri jeekayitatsiri otaantsipankoki kimitachari otapati poomonakipaeni o oetarikapaeni jeekayitatsiri rantantyaari piyotaantsipaeni osheki o eeelonkini.

Pipayitiri aakotaantsi rantayitiri eejatzi pamitakotiri rantantyaawori kameetha.

Pashtakotiro otetamentotsi ijeekantakari osheki kachariki omaanta ijeekantari eeelonkini kachariki.



Paminiro eejatzi pijankinatiro

Three horizontal dashed lines for writing.



Nashi nowaero:



Thame apimantayiti pimantaantsiki iroka owiiyitakiripaeni

Kaminagaantsi ashi owametantatsiri

Pantakayiri oshiyakaantsi iryaneerikipaeni janta ojanareekinta poshiyakaawetiri pimantawaerintzi okaatzi rowiitayitziri pawapaeni eejatzi iryaneerikipaeni.

Pikowakotiri iryaneerikipaeni roerikaeyirini, roepithokaeyiirini ikithokyeriki koriki roepithokiro iwaperipentakiti jantakironta ikanteeyini oetaka iñaayitakiri pomeentsitachari.

Jaka opimantayitapaeni ashagawontsipani ikaatzi pimantayitatsiri otsipata 4 eejatzi maawoeni amanantayitatsiripaeni iryaneeriki roerikayiti ikithokyeriki ikaati apaaniteka 10, eejatzi eero ithonkaperotziri ¿Cha okaatika opinayitya irokapaeni owiitayiteencharipaeni? Ikoyirika ishitowaeyini maawoeni otomooyitapaeni.

- ¿Cha ikaatzika ikithokyeriki koriki?
- ¿Iitaka pamanantantyaari?
- ¿Iitaka ipimantayitzi?
- ¿Iitaka rowiitayitzi ipimantiri janta pimantaantsiki?

Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A4 jankinarentsipana piyomatantyaawori okatzi antayitakiripaeni.

Piwichaakotiri ikithoki koriki chaarika okaatzika opinatzimotakimi iroka pamanantayitziri.



Paminero eejatzi pijankinatiro



Nashi nowaero:

Pikenkishireero itakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni,oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayiitakirika?
- ¿Iitaka iroka antayitakiri piñawinaperotawakari?
- ¿Iitaka paashni pikoyiiri piyoperotiri?
- ¿Ninka amitakoteeni ayoperotantyaari?
- ¿Iitaka paashni pikoyiiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro piñawinaperotawakari iroka okaatzi añawaetakotakiri cha akantiroka apimantayitiro iroka owiitayitziripaeni.






Paminiro eejatzi pijankinatiro





Owameethaperotiro
owiitayitakiri



Nashi nowaero:



Owiitaantsi arosoki inki eejatzi itajonkantawori tampya

Kaminagaantsi ashi owametantatsiri

Piwetsiki apiti otetamentotsi pipayitiri iryaneerikipaeni apaani otetamentotsi arosoki pashniki otetamentotsi inki.

Pojampiteeyirini iryaneerikipaeni oetarika jeekayiitatsiripaeni apanikipaeni otetamentotsi, otzimatye inkanteeyimini oetarika jeekayitatsiri.

Pikemijanteeyirini okaatzi inkanteeyiimirini iroñaaka pojampiteeyirini, eejatzi pikemijantiri tsikarika ikanteeyiimirini rakaeyimini riroripaeni rakakimirika ikantimi “okithokipaeni”, iroñaaka pojampitiri:

- ¿Oetaka ashitachari okithoki?
- ¿Ninka akaemiri tajonkayikitoroni iroka arosoki, eejatzi inkiki?
- ¿Cha ikanteetziroka itajonkayikitetziro iroka arosoki eejatzi inkiki?

- ¿Oetaka ashitirori owantyaawori iroka okithokipaeni?

Pikanteeyirini tsikarika ikantetziro onkaetziro iroka tampya “kon, kon, kon” eejatzi cha ikanteetziro iñaanateetziro oorya ikanteetziro “poorye, porye, porye”.

Pikanteeyirini ikenkishiryagaeyani imatantyaawori riyotakotiro tsikarika okaatzi otenatzi, eejatzi tsikarika okaatzi okithokipaeni.

Pishitowakayiri ojanareekinta ikemijantantyaawori tampya, eejatzi oorya.

Iroñaaka pikanteeyirini jami onki akaemantyaawori tampya, eejatzi jami añaanatiri orya oryantyaari.

Pipayitiri aakotaantsi rantayitiri eejatzi pamitakotiri rantantyaawori kameetha.

Pashitakotiro okithoki iroka arosoki.



Paminiro eejatzi pijankinatiro





Nashi nowaero:



¿Ninka asheninkatatsiri owiiyitatsiripaeni?

Kaminagaantsi ashi owametantatsiri

Pikanteeyirini iryaneerikipaeni jame aatakiti janta waantsiki rowiteeyininta, pikantiri iryaneerikipaeni rojampitiri ashitariripaeni ninkarika owiiteeyatsini.

Paashniki kitejiri pojampiteeyirini:

- ¿Oetaka akanteeyakirini chapinki?
- ¿Oetaka ojampitakoweteeyirinimi?
- ¿Iitaka asheninkatatsiri?
- ¿Rowane intaenanta o okaakiini?
- ¿Cha okaatika rowiiteeyantyaaworini?
- ¿Iroñaaka?
- ¿Inkaamani?
- ¿Chapinkima rowiiteeyakironi?

Pojampitiri iryaneerikipaeni aririka amatakiro otyantiniri jankinarentsi akateeyini royaanteeri janta rowanekinta.

Paperi janthawanari eejatzi ojankinamentotsiki, pojankinatakotiro okaatzi rakayiitziri iryaneerikipaeni iroka ojampitantsi:

- ¿Iitaka asheninkapaenitatsiri?
- ¿Iitaka akowakotiriri?
- ¿Tsikapaetinika?
- ¿Cha jantaka?

Poñaayiiri oshiyakantsi owitayitantsipaeni eejatzi pojampitiri ramitakotantzirika aririka ranteyironika iminkatipaeni isheninkapaeni.

Pipayitiri aakotaantsi rantayitiri eejatzi pamitakotiri rantantyaawori kameetha.

Poyiro opatziiitoki aakotaantsi.



Paminiro eejatzi pijankinatiro





Nashi nowaero:



Ashiyitirori iroka owitawaetantyaari

Kaminagaantsi ashi owametantatsiri

Pikanteeyirini ashitariripaeni ramayiitaki okaatzi ashiyiitetzirori owitantsipaeni (jawiri,katsikomerontsi,kantziri,) potetiro mawoeni otetamentotsiki kaari okoñaatantya.

Pikanteeyirini ijeekaeyini ikimitakaantyaari kashiri. Eejatzi pojampitiri oetaka jeekayiitatsiri inthomaekinta otetamentotsiki.

Ikanteeyimini maawoeni okaatzi ikenkishiryaakari kameetha iroñaaka Paminakayiri oetarika jeekatsiri otetamentotsiki. Eejatzi poñaagayitiri apaanipaeni iryaneeriki, ikanteeyantyaarini oetarika agaetziri owiitawaetantyaari. Otizmatye pikanteeyirini paamaakowentyaawo iroka owitawaetantyaari powameethatiro kameetha otetamentotsiki.

Pojampitiri:

- ¿Cha owayiitiroka iroka ashi owitawoetantyaari?
- ¿Cha nowayitiroka?

Piñathatyawo pithapatiro jankinawaementotsi iroka pakopaeni paperiki, eejatzi paminantayiityawori tsikarika pakopaeni.


Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A4 jankinarentsipana piyomatantyaawori okatzi antayitakiripaeni.

Powichaayiro iroka owitawaementotsi tsikarika ojeekaki okantakotziri.



Paminiro eejatzi pijankinatiro



Nashi nowaero:



Thame owiitiro iroka mateenchari payantzi

Kaminagaantsi ashi owametantatsiri

Pojampikowentiro oetaka nampitsitatsiri shitowatsini rowiiti payantzi wathateentsiri.

Pikanteeyirini ashitaanitzinkaripaeni nokowatzi niyaatakayiri pitomipaeni janta owiitawaetaantsiki.

Pikanteeyirini yoperotzirori ikanteeyimini cha okanta ayotantyaari iroka payantzi mataka wathataki

- ¿Oetaka aashiteetzirori owitantyaawori
- iroka payantzi?
- ¿Cha okantawaetaka iroka payantzi?
- ¿Ninka owitayitatsiripaeni irokapayantzi?


Pipayitiri aakotaantsi rantayitiri eejatzi pamitakotiri rantantyaawori kameetha.

Piyomaatakotiro iroka payantzi wathaperoteentsiri okaati apapako eejatzi pipothotiro iroka katziyachari payantzi.



Paminiro eejatzi pijankinatiro

Three horizontal dashed lines for writing.



Nashi nowaero:



Kachariki Owiitawaerintzi

Kaminagaantsi ashi owametantatsiri

Jami akenkithatakotakotiri irika kachariki, owiitawaerintzi pojampitiri:

- ¿Cha ikantziroka irika kachariki ipiyotantawori rowanawo?
- ¿Cha rowiyotziroka rowanawo?
- ¿Cha ikantziroka rayiro rowanawo irika kachariki rowameethatantawori?

Pikantiri raminaperotiri irika kachariki, eejatzi roshiyakaawentiri kipatsikira ikimitaga ranashita rirori kachariki.

Poñaayiiri iroka kompitarentsi:

Te naaka atziri, rokantzimaetacha aririka nowiwoeti intsipaeti nowiitziro eero imaetana ranaakoetana.

¿Iitaka nowaero?

Eerorika riyotziro poñaayiri, aakotantsi eejatzi pojampitiri irika iryaneerikipaeni oetarika okantakotziri.

Pikantiri ikantakotiri irika iñaakiri jaka kompitarentsiki.

Pipayitiri aakotaantsi rantayitiri eejatzi pamitakotiri rantantyaawori kameetha.

Pipothotiri okantakotziri iroka kompitarentsi.



Paminiro eejatzi pijankinatiro



Nashi nowaero:



¿Tsikarika otzimi tenaperotatsiri kaniri?

Kaminagaantsi ashi owametantatsiri

Pikenkithatakayiiri iryaneerikipaeni okantakotziri iroka thokaantsi kaniri, pojampitiri ¿Oetaka otetantetawori iroka kaniri thokaenchari?

Pikanteyiirini iryaneerikipaeni rotetiro kantziriki antawo, eejatzi rotetiro kantziririki ewonkinakiri pojampitiri:

- ¿Cha otzimika kantziri otetantaperotetari kaniri osheki, eejatzi charika okaatzi otenatzi?

Piñaathatakayari pikimitakaantyaawori aminakowentanteetawori chaarika okaatzi otenatzi oetakirapaeni, iroñaaka poshiyakaawentiro pitapitawakagaeyani poerikawakaya pishempaki pikyathatawakaya pitsinki eejatzi itsinki pisheninka, pojampitiri:

- ¿Ninka tenaperotentsiri?

Iroñaaka poeyowayitininiripaeni inashiyiitachari oetarikapaeni jeekayitatsiri yotaantsipankoki imatantyaawori raminakotiro charika otzimi tenaperotatsiri.

- ¿Cha akantiroka ayotantyaawori tsikarika okaatzi otenatzi?
- ¿Cha akantiroka ayomaatakaantyaawori otenanka?
- ¿Cha otzimika kaniri tenaperotatsiri kantzirikitzi antawo o kantziriki ewonkiri?

Pipayitiri aakotaantsi rantayitiri eejatzi pamitakotiri rantantyaawori kameetha.




Paminero janta othonkapakanta A4 jankinarentsipana piyomatantyaawori okatzi antayitakiripaeni.

Piwicheero kaniri jaga piratoki okaatzi otenatzi.



Paminero eejatzi pijankinatiro





Nashi nowaero:



Jami iriro iñaa jaawari

Kaminagaantsi ashi owametantatsiri

Pikowakoteyiirini iryaneerikipaeni ramayitaki kaatamentotsipaeni, eejatzi pyatamentotsi iñaa jawaari.

Pyataakakitiri inkaryaki, iñaateniki Paminakayiiri, eejatzi pikanteyiirini raamakowenteyani.

Pipyaati iñaa kaamentotsiki, eejatzi pojampitiri:

- ¿Cha okantakaka iroka iñaa apyaatakiri?
- ¿Oetaka opothotakari iroka iñaa?
- ¿Ari amatakiro irakiro iroka iñaa kipachaari?

Pikantiri iryaneerikipaeni ipyaati ikaamentoki iñaa raminatyawori cha okantaka iroka iñaa.

Janta yotaantsipankoki paminiro ikaatamentopaeni, eejatzi iroñaaka poñaayiiri kaamentotsi yeekitentsiri iñaa jawaari, iroñaaka pojampitiri:

- ¿Cha otzimika iñaa jaawateentsiri?
- ¿Cha okantyaka ayotantyaawori iñaa jawari?

Pikanteyiirini iitarika akowantawori iriro iñaa jaawari, Pikantiri irirorika iñaa jaawari tema eero atsikamonthawoete, eero ashiwoetawoeta eejatzi amantsiyawoetzi.

Pipayitiri aakotaantsi rantayitiri eejatzi pamitakotiri rantantyaawori kameetha.

Pipothotiro oetarika ikowashitziri owantyaawori iñaa jaawari.



Paminiro eejatzi pijankinatiro



Nashi nowaero:

Pikenkishireero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiri iryaneerikipaeni,oryaneerikipaeni okaatzi anteeyakirini owakirani.

Pijampitiri:

- ¿Iitaka piyotakiri antayiitakirika?
- ¿Iitaka iroka antayitakiri piñaawinaperotawakari?
- ¿Iitaka paashni pikoyiiri piyoperotiri?
- ¿Ninka amitakoteeni ayoperotantyaari?
- ¿Iitaka paashni pikoyiiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro piñaawinaperotawakari iroka okaatzi añawaetakotakiri cha akantiroka iroka iña jaawaripaeni irantayiityaawori.



Paminiro eejatzi pijankinatiro





**Ayotakotayiitironi
impitawaetayitepaeni eejatzi
awetsikayiti kowitzipani**



Nashi nowaero:



Iroka pareeta yotzirori impitawaetzi oshinthayikiwaetzi maawoeni

Kaminagaantsi ashi owametantatsiri

Powametheeyirini kameetha iryaneerikipaeni ikemaperotantyawori iroka kenkitharentsi.

Eenitatsi apaani tsinani kaari yowoetatsi impitawaetzi, eejatzi oshinthayikiwaetzi iyaatzi antamiki, ari oñaapaakiro osheki okithoki tsiwankiriki, awochetaki, okantzi niyotashityaawo noshinthayikiwaeti naanakirootami iroka tsiwankiriki, awochetaki, ari aminapiintziro, okantzi otzimashitya iyotayinawoni nimpitawaeti niyotantyaawori naari. Okemataatziro otapiiki apaani tsinani Owaero pareeta okantziro ¿Iitaka pantziri? O ¿Oetaka paminiri? Akanakiro okantziro naminashtawo iroka tsiwankiriki, awochetaki nokoyimi niyotiro nimpitawaeti, rookantzimaetacha tekatsi yotayinawoni, akanakiro iroka pareeta okantziro ¿pikoyi niyotayimiro impitawaerintsi? Akanakiro okantziro jee nokoyi piyotayinawo impitarentsi niyotanteeyawoori naari.

Roojatzi iyotantakawo iroka pareeta impitawoerintsi ari iyoperotanakiro okantziro ariwe kametha piyotakinawo, iroñaaka nimpitawoeti, eejatzi niyotagaeyiironi nosheninkapaeni iyotanteyawori roripaeni impitawoetayiiteepani rori.

Rootaki iroñaaka ayotantawori impitawoerintsi, eeromi otzimimi iroka pareeta, eero ayotziromi impitawoerintsi, shinthakiwoerintzi mawoeni aari okaantzi iroka kenkitharentsi.

Pojampitiri iryaneerikipaeni:

- ¿Oetaka akenkithatakotakiri?
- ¿Ninka yotaakirori iroka tsinani impitarentsi?
- ¿Oetaka iyotakiri iroka tsinani?

Pikantiri ijankinati iwaperitiki iroka kenkitharentsi.

Pipayitiri aakotaantsi rantayitiri eejatzi pamitakotiri rantantyaawori kameetha.


Jaaga okantapeetyokitakaga pijankinatio iroka kenkitharentsi pareeta impitawoerinto.



Paminiro eejatzi pijankinatio

Three horizontal dashed lines for writing.





Nashi nowaero:

¿Cha ikanteetziroka iwetsikanteetawo iroka kitepathari jampowatha?

Kaminagaantsi ashi owametantatsiri

Pikenkithatakayiiri apaani tsinani yotzirori owetsiki kowiitzi, roojatzi pantanakyariri iryaneerikipaeni raminantyaawori tsika ikanteetziro iwetsikaetziro kowiitzi.

Pikantiro iroka tsinani okenkithatakayiiri iroka oryaneerikipaeni iyotantyaawori rori cha ikantetziro iwetsikaetziro iroka kowiitzi, iitaka agaetziro awetsikantyaawoori kowiitzi.

Antantyaari kowiitzi otzimatye ayi kitepathari jampowatha eechonkini ayomaatiro okaatzi antiri iroka kowiitzi. Roojatzi akantantakyawo pathar, pathari awetsikamokotantakyawo kameeetha. Roojatzi oeyowantakyawo oryaaki opiryaatantyaari kametha. Aririka opiryaataki otzimatye oyankiro inthomaeta omonaki kipatsi iwetsikaetziro okijoperotantantakyari kametha, otzimatye ayotakotiro cha okaati ojaamaniti otzimatye ojaamaniti okaati apaniki oorya okijoperotantyaari kameeetha.

Otzimaatyete ataaperotiro kametha, aminiro kityonkaperotentsirika kametha. Añaakirorika kityonkaperotaki ayotanaki maataka, roojatzi oeyowantakyawo entsikiroeni owakiro kametha okatsinkatawaakita.

Pojampitiri iryaneeripaeni:

- ¿Iitaka kaari opokanta iroka kowiitzi omonaki kipatsi iwetsikaetziro?

Pojankinatakotiro okaatzi ikanteeyakirini kametha, roojatzi Pikantiri ikenkithawoetakayiiri ikaateeyiinipaeni.

Pipayitiri aakotaantsi rantayitiri eejatzi pamitakotiri rantantyaawori kameeetha.

Paminero janta othonkapakanta T4 jankinarentsipana piyomatantyaawori okatzi antayitakiripaeni.

Piwichaakotiro, eejatzi piyomaatiro iroka kantapetyokitenchari poyiiri aakotantsi iroka kitepathari jampowatha iwetsikantetari kowiitzi.




Paminero eejatzi pijankinatiro

Three horizontal dashed lines for writing.



Kitepathari, jampowatha,
kitepathari jampowatha
Nokowaperotakimi
Nonintaperotakimi
Eero pookawentana, tema
eerokataki nowetsikantyaari
noyowitsiti.



Jami amampayaawo mampaantsi kankotachari kitepathari jampowatha oerikayiitiro wetsikantsi mathantsipoki

Kaminagaantsi ashi owametantatsiri

Pikaemiro apani tsinani yotzirori owetsiki kowiitzi, eejatzi iyotayiiri apani mampantsi kankotachari kowiitzi, o eejatzi iyotayiimiro erori iroka mampantsi .

Kitepathari jampowatha, Kitepathari jampowatha , Kitepathari jampowatha nonintaperotakimi, nonintaperotakimi, eejatzi nokowaperotakimi teema eerokapero kametha nowetsikantyaari noyowitziti, eejatzi nantantyaari noerikamento, rootaki nokowaperotantzimiri kameethawo.

Poñaayiiri wetsikantsi maathantsipoki kimiwitachari atziri pimampantyaawoori iroka maapantsi, eejatzi papipintiro

roojatzi piyoperotantanakyaawo, iroñaaka pimampayaawo pikoshekayiitiro mawoeni piwaathapaeni.

Pikantiri iryanerikipaeni raminayiitiri wetsikantsi mathantsipoki janta othapikinta iwaperipantiki imatanchawori riwetsikiro, eejatzi ipothotiro ikowakari rirori, eejatzi iñaantyaawo iroka mampantsi.

Pipayitiri aakotaantsi rantayitiri eejatzi pamitakotiri rantantyaawori kameetha.


Paminero janta othonkapakanta K2 jankinarentsipana piyomatantyaawori okatzi antayitakiripaeni.

Piwetsiki maathantsipoki pikimitakayaari atziri, eejatzi pimampayaawo iroka mampantsi.



Paminero eejatzi pijankinatiro

Three horizontal dashed lines for writing practice.



Nashi nowaero:

Jami awetsiki impitakontarentsi eejatzi thantakorentsi

Kaminagaantsi ashi owametantatsiri

Pikantiro apani tsinani yotzirori owetsiki impitakontarentsi, eejatzi thantakorentsi, othantakotziri, eejatzi omarikontatari aakoki anakiro janta yotantsipakochanikiki. Eejatzi aanakiro thantakorentsi, impitakotarentsi rashi pashinipaeni nampitsijatzi.

Pojampitiri iryaneerikipaeni riyotzirorika mawoeni iroka thantakorentsi, impitakontarentsi, eejatzi ikanteyiimini charika otziimi rashi asheninkapaeni, eejatzi ikantayiiimini charika kaari rashitari asheninkapaeni, eejatzi ikanteyiimini charika inashiyiitacharipaeni.

Iroñaaka pipiyoteyiirini apiti, tzimatsiri rojarentsiti otsipata 4, eejatzi apapakotatsiri rojarentsiti 5.

Pipayiitiri apanipaeni iryaneerikipaeni iroka tyooshiki tsiwankiriki eejatzi mampetha roshinthayiikitantyawori.

Pikantiri rowameethayiitiro kametha iroka tyoshiki eejatzi tsiwankiriki jaga rowantayitawoori iwaperiti ari ishintherinkiro iroka tyooshkipaeni eejatzi tsiwankirikipaeni eerowa roshithayiikitziro ishitherinkashityaawo apaniroeni.

Iroñaaka Pikantiri roshinthayiikitantyaawo akacharontsitha iroka tyooshiki eejatzi itsipateero iroka tsiwankiriki.


Pipayitiri aakotaantsi rantayitiri eejatzi pamitakotiri rantantyaawori kameetha.

Paminero janta othonkapakanta A5 jankinarentsipana piyomatantyaawori okatzi antayitakiripaeni.

Pimonkaatiro iroka yooshkipaeni eejatzi tsiwankiriki pantantyaari impitakotarentsi.



Paminero eejatzi pijankinatiro



Nashi nowaero:



Awetsikantyaari kitepathari jampowatha eejatzi kimitachari piiki jankaenkatatsiri

Kaminagaantsi ashi owametantatsiri

Paanakiro inashiyiitacharipaeni iroka kowiitzi janta yotantsipakochanikiki, kowiitzi, kotsironaki, oyiitamentotsi.

Pikantiro nanapaeni amayiitaki echonkinipaeni kitepathari jampowatha, eejatzi powaayiitiniri echonkinipaeni iroka kitepathari jampowatha jaga rowantayitawori iwaperitipaeni eejatzi pipayiitiri kimiwitachari piikipaeni amethotatsiri. Pojampitiri iryaneerikipaeni cha otzimika inashiyiitachari kitepathari jampowatha o kimitachari piiki jakaenkari.

Pikantiri ipampitayitiro iroka kitepathari jampowatha eejatzi kimitachari piiki jakaenkari, iroñaaka Pikantiri thame awetsikayiiti akowaayiitziripaeni antayiitiripaeni, pojampitiri charika okanta inashiyita iroka kitepathari jampowatha eejatzi kimitachari piiki jakaenkari, pikemijantaperotiri okaatzi ikantimiri

pojankinatakotiri okaatzi ikantayiitakimiri.

Pikanteeyiirini ranteyiironi riwetsiki oetarika ikowakantari rirori apanipaeni eejatzi pikantiri ikanteyiini oetarika rantayitakiri apanipaeni.

Pojampitiri iryaneerikipaeni:

- ¿Oetaka atantyawori iroka kimitachari piiki jakaenkari?
- ¿Cha okaatzika ojamanitzi opiryaatantyaari iroka kotsironaki antantetari kitepathari jampowatha?
- ¿Cha okaatzika ojamanitzi opiryaatantyaari iroka kotsironaki antantetari kimitachari piiki jakaenkari?

Pipayitiri aakotaantsi rantayitiri eejatzi pamitakotiri rantantyaawori kameetha.

Patzikiro iroka oshiyariri piiki jankatziri kotsironakiki wetsikaenchari kitepathari jampowatha eejatzi pantayite othapapaeni.



Paminiro eejatzi pijankinatiro

Three horizontal dashed lines for writing.





Nashi nowaero:



Owaamethatantsi kotsironaki eejatzi kowitzi onkotsiwaetantyaari

Kaminagaantsi ashi owametantatsiri

Piñathatakayaari iryaneerikipaeni ñaathawoerontsi omanaantsi janta yotantsipankochanikiki, aririka iñaayitakiri maawoeni isheninkapaeni, pojampitiri:

- ¿Cha pomanakaka?
- ¿Cha ikanta iñaanteyakimirini?
- ¿Cha okantyaaka aririka omanayitiro jeekayitatsiri yotantsipankochanikiki?

Noshiyakaawentimiro iroka:

Inchapetokyeeriki jeekayitatsiri pinampiki, eejatzi oyiitamentotsipaeni jekatsiri pinampiki wetsikayitacharipaeni añaathatyawo aminaminatiro. Eejatzi aminaminayitiro jeekatsiri yotantsipakochanikiki opoñaashitakya owameethayitiro tsikarika ojeekayitzipaeni.

Pojampitiri iryaneerikipaeni, pinampiki:

- ¿Cha oyiiroka kotsironaki piniro?
- ¿Iitaka otetayitzi kotsironakikipaeni?
- ¿Cha okaatzika piyotsironakiti?
- ¿Cha akantiroka iroka kotsironakipaeni?
- ¿Cha okantawoetaka? ¿Iitaka okimitari?

Pipayitiri aakotaantsi rantayitiri eejatzi pamitakotiri rantantyaawori kameetha.


Paminero janta othonkapakanta A5 jankinarentsipana piyomatantyaawori okatzi antayitakiripaeni.

Pamitakotziro piniro paminakotziro kotsironakiti antatyaari kitepathari jampowatha eejatzi powamethatakotziro owapintaga.



Three horizontal dashed lines for writing.





Nashi nowaero:



Jami añãathatyaawo oshiyakawentaantsi pimantawaetaantsi

Kaminagaantsi ashi owametantatsiri

Piwetsikakayiiri iryaneerikipaeni janta ojanarekinta oshiyakantsi pimantawoetantsi kowiitzi rantayiitzi iryaneerikipaeni eejatzi ashitariripaeni.

Pikantiri iryaneerikipaeni roemishitoyiiri ikithokipaeni koriki jekakotatsiri othapikinta iwaperitipaeni eejatzi roshiyakawentiri amanantawoerintzi, pimantawoerintzi.

Pikanteeyiirini iryaneerikipaeni raminayiiti ninkarika pimantatsini eejatzi ninkarika amanantawoetatsini, opaãaashitakya imatanakiro pashinipaeni ipimantawoeti eejatzi ramanantawoeti.

Pojampitiri iryaneerikipaeni:

- ¿Cha ikaatzika ikithokipaeni piyorikiti?
- ¿Iitaka pipimantziri?
- ¿Iitaka piãaawenatari pamantiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Pamineero chaarika okaatzi kowitzi inashiyitachari owaenchari owantamentotsiki eejatzi pijankinatio inchapankiriki okaatzi okantakotziri inashiyitachari jeekakotaentsiri okantapetyokitakaga jaawikitzirinta.



Paminiro eejatzi pijankinatio

Three horizontal dashed lines for writing.



Nashi nowaero:

Pikenkishirero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiiri iryaneerikipaeni,oryaneerikipaeni okaatzi anteyakirini owakirani.

Pojampitiri:

- ¿Iitaka piyotakiri antayiitakirika?
- ¿Iitaka iroka antayitakiri piñaawenaperotawakari?
- ¿Iitaka pashini pikoyiiri piyoperotiri?
- ¿Ninka amitakoteni ayoperotantyaari?
- ¿Iitaka pashini pikoyiiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakawentiro piñawenaperotawakari iroka okaatzi añawoetakotakiri akantiroka apimantayiitiro awetsikayiitakiripaeni.





Paminiro eejatzi pijankinatiro





**Eero apeyaakotziro amaatha
akithaapiintari**



Nashi nowaero:

Jami akenkithatakotiro iroka tapetha

Kaminagaantsi ashi owametantatsiri

tsinani, ipeyiuro irika peyantaniri iwoero nawireri ipeyaakiro tapetha.

Piwetsikiri iryaneerikipaeni pikenkithatakantyaariiri iroka kenkitharentsi

“Tsinani ishinto antawo opeyawo oeeshi tapetha”

Apani tsinani iyaatzi antamiki amini mawo okanta opiyeemi onampiki ari otsimpinaka, tee iyotero tsikaria awootsiti okinakinawitaka, rookantzimaetacha tee iyotero tsikarika onampi, roojatzi otsirenitakotantaka, kaari ratsikantyaawo manitzi, roojatzi atetantaka jenoki inchatoki, ari omenkoshitaka jenokinta, okematatzi peyantaniri iwoero nawireri sheron sheron, ari omaeritanaki okematatzi itajonkakiro joo, joo, joo. Iroñaaka iroka tsinani roojatzi opeyantaka iroka tsinani oeeshi tapetha. Rootaki iroñaaka añaatawori iroka tapetha ari okaatzi iroka kenkitharentsi.

Iroñaaka papatoteeyiirini ikaati apiti ipiyoteyaani, pipaeyiirini pantakiri aakotantsipaeni iroka okantakotziiri kenkitharentsi.

Pikoyiirika pamineeyini pashinipaeni inashiyiitachari oetarikapaeni, pikanteeyiirini iryaneerikipaeni roshiyakawentiro okaatzi okantakotakiri iroka kenkitharentsi.

Imatakirorika riwetsikakiro Pikantiri ikantakotiro okaatzi rantayiitakiripaeni pikemijantiri eroka okaatzi ikenkithatakiri kamethatakirika.

Pojampitiri iryaneerikipaeni:


- ¿Oetaka awijatsini aririka aapithatakiro iroka apiti oetakirikapaeni?
- ¿Roojatzi okimityaawo?
- ¿Oetaka inashitanakyaari?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro iroka aakotantsi eejatzi pashitakotiro tekiratapaentsiri.



Paminiro eejatzi pijankinatiro



Nashi nowaero:



¿Cha okaatzika iitzipaeni irika jeto aawintantyaari ayotantyaawori impitawaeti?

Kaminagaantsi ashi owametantatsiri

Pamini inashiyiitachari aakotantsipaeni rashi imaakarena jeeto powameethaperotiro kameetha. Pikoyiirika pikanteeyirini ashitanitzinkaripaeni ramakiri jeeto raminaperotantyariri irika iryaneerikipaeni. Pojampitiri iryaneerikipaeni ¿Cha akantirika awintantyaari irika iityeeriki jeeto ayotantyaawori impitawoeti? Poyaawentyaawo ikantimiri.

Pikanteyiironi iroka oryaneerikipaeni asheninka aririka okemotanentanaki okaatanaki ojarentsiti mawa 3 ojarentsiti, iroka nojawa aaki eechonkini iityeeriki jeeto, otaaki eechonkini roojatzi owaachakantakawo akoki iyotantyaawori kametha impitawoeti kantziripaeni.

Paminiro oetarika pamentsitzimotakawori, eenitatsirika apani oryaanini okoyiirika okenkithatakotya okaatzi awijimotakirori awintantetakawori.

Pipayitiri aakotantsipaeni inashiyiitatyari iroka iityeerikipaeni jeeto eejatzi pojampitiri:

- ¿Paminaperotiri kametha irika jeeto?
- ¿Okimiyita iroka?
- ¿Cha akantirika irika jeeto kaari ratsikante?

Pipayitiri aakotaantsi rantayitiri eejatzi pamitakotiri rantantyaawori kameetha.

Pimonkaatiri iityeerikipaeni irika jetopaeni.



Paminiro eejatzi pijankinatio



Nashi nowaero:



Ayakantyaawori amampethati

Kaminagaantsi ashi owametantatsiri

Pikantiro apani tsinani yotzirori
iyakiro omampethati eejatzi pikantiro
aanakiro iyakamento, mampetha janta
yotantsipankochanikiki oñaagantyaawori
oryaneerikipaeni iyotantyaawori cha
ikantetziro iyakaetziro mampetha. Pojampitiri
iryaneeripaeni ¿Oetaka agaetziri inchatotatsiri
iyakantetawori mampetha, patsitaki, pothotzi,
o pitsithari.

Pipayitiri ijekayitzipaenira Pothomentotsi
okaati mawa 3 inashiyiitacharipaeni eejatzi
rowantyaaworipaeni itsipapithayitiantyaawori
inashiyiitacharipaeni pothomentotsi.

Poñaayiiri kitharentsipaeni, thaatopaeni,
thompirontsipaeni eejatzi Pikantiri raminayiitiro
iitarika opothoyiitaripaeni.

Jaaga ijeekayitakipaenira pojampitayitiripaeni:

- ¿Iitaka opotyoyitari?
- ¿Cha akantiroka
atsipatapithatantyaawori?
- ¿Aririka atsipatapithatiro oetaka
opothotanakyaari?


Pipayitiri aakotaantsi rantayitiri eejatzi
pamitakotiri rantantyaawori kameetha.

Pipothotiro iroka mampetha iyakantaetakawori.



Paminiro eejatzi pijankinatiro





Nashi nowaero:

Ontyagaantsi thaato

Kaminagaantsi ashi owametantatsiri

Paanakiro thaato janta inthomaenta
yotantsipakochanikiki poñaagantyaariri
iryanerikipaeni eejatzi pikenkithatakantyaariri
irika iryanerikipaeni cha ikanteetziro
onchagaetziro iroka thaato. Pikanteeyiirini
raminaperoeyiironi kameetha, eejatzi
ikantakoteeyiironi charika okantakoteyaani,
iroñaaka pojampitiri:

- ¿Iitaka opothotari?
- ¿Oetaka ontyagaetakiri iroka thaato?
- ¿Cha ikanteetziroka onchagaetziro iroka thaato?
- ¿Ninka ontyaayiitziroka iroka thaato?

Pikanteeyiirini pikenkishiryashityawo
enitatsi pipothomento poerikakiro
pakoki poshiyakawentiro iroka thaato
pijankinatakotiro ikimiteetziro ontyagaetziro
iroka thaato poshiyakawentashityaawo eerowa
pijankinaperotatziiro.





Pipayitiri aakotaantsi rantayitiri eejatzi
pamitakotiri rantantyaawori kameetha.

Piyomaatakotiro iroka ontyagaantsi thaato.



Paminiro eejatzi pijankinatiro





Nashi nowaero:



Awetsiki amanthaerentsi

Kaminagaantsi ashi owametantatsiri

Pikaemiri apani ashitanitzinkari
yotantsipankochanikiki yotzirori riwetsiki
amanthaerentsi ikenkithatakantyaariri
iryaneerikipaeni cha ikantetziro iwetsikaetziro
amanthaerentsi.

Ikoyiirika rojampiteeyirini rojampitirita eero
pokakayiiri.

Pakiri rojampitzimiri, o eerorika Pikantiri
ashitariri rapiitiniri ikenkithatakayiiri
ikemaperotantyariri kameetha.

Pipayiitiri iwaperitikira pechokyeerikitinkawo
ojekakotzira okantakotziri amanthaerentsi
eejatzi pikanteyiirini ranteyiini
ramanthaeripaeni apanipaeni raayiti okaatzi
jeekayiitatsiri jaga iwaperitikira.

Pipayitiri aakotaantsi rantayitiri eejatzi
pamitakotiri rantantyaawori kameetha.

Paminero janta othonkapakanta K3, K4
jankinarentsipana piyomatantyaawori okatzi
antayitakiripaeni.

Powetsiki pamanthaeri chaarika pikowakaari eerokapaeni.



Paminero eejatzi pijankinatiro

Three horizontal dashed lines for writing.





Nashi nowaero:



Akithaattyawo aethaaripaeni

Kaminagaantsi ashi owametantatsiri

Pinashitakayaari papatoteyiirini tzimatsiri rojarentsiti otsipatapaka 4 pashini apapako rojarentsiti 5.

Jaga ijeekaeyakinira iryaneerikipaeni pipayitiri iroka janthawanawo paperi wichagaenchari apite eejatz pothomentotsi antawo. Pikanteyiirini ninkarika kowatsiri iryaneeriki, oryaaneeriki oshitoyi jaka omaryantyawo iroka janthawanawo paperi pashinipaeni ijankinatakotiro jaga omaryaakaga pothomentotsiki antawo opoñaashitakya rantayitiro oethaaripaeni jaga janthawanarikira paperi.

Pikowakotiri iryaneerikipaeni ikantakoyitiro irokapaeni kithaarentsi cha okantaka rashi shirampari eejatz ashi tsinani, ikanteyiimini cha otzimika ikowaperotziri thapayitacharipaeni.

Pikanteyiirini raminayitiri rowetsikaetziri maathantsipoki jaga paperikira ikithatakayaawo omaatha eejatz imaninkitakayiro.

Pipayitiri aakotaantsi rantayitiri eejatz pamitakotiri rantantyaawori kameetha.


Pipothotiro eejatz piyomaatiro cha okantaka othapapaeni iroka kithaarentsi.



Paminiro eejatz pijankinatiro

Three horizontal dashed lines for writing practice.





--	--

Nashi nowaero:



Jami añathawaety atapowoetiro tapetha inirotha an-tantyaari kantziri

Kaminagaantsi ashi owametantatsiri

Powetsiki apite kantziri itapoteetakiri inirothaki tapetha opoñaashitanakya ojanarekinta pitankimoyiitakiro tapotenchari inirothaki eejatzi tapaotenchari ishintothaki. Pikanteyiirini iryaneerikipaeni ishitherinkantyawo tsikarika ojekaki tapotenchari inirotha.

Pikanteyiirini ishintherinkaeyani rinashitya pashini eejatzi pashini irika shintherinkaentyari kantzirikiziri inirotha eejatzi pashini kantziriki ishintotha.

Pipayiitiri apaniteka 10 perotaniki riwetsikayitakiri iroñaaka otzimatyete rotetiri irika perotaniki janta kantziriki raminantyaariri ninka otetentsiri osheki perotaniki jaka kantziriki.

Iroñaaka paminiri ninka otetentsiri osheki jaka kantziriki irika perotaniki inirothaki o ishintothaki.

Pipayiitiri apapako 5 itarika jeekayiitatsiri jaka inthomaenta yotantsipankochanikiki, Pikantiri iryaneerikipaeni ikowentatiri charika ikaayiitzi.

Pipayitiri aakotaantsi rantayitiri eejatzi pamitakotiri rantantyaawori kameetha.

Pipothotiri apapako 5 perotaaniki otetenchari kantzirikira.

Jaga okantakontyakitakaga paakotiri irika perotaniki eejatzi poyiuro chaarika ikaatzi otetenchari



Paminiro eejatzi pijankinatiro



Nashi nowaero:



Pikenkishirero iitakarika antayiitakiri owakirani itanakawo

Kaminagaantsi ashi owametantatsiri

Pikenkithatakayiiri iryaneerikipaeni,oryaneerikipaeni okaatzi anteyakirini owakirani.

Pojampitiri:

- ¿Iitaka piyotakiri antayiitakirika?
- ¿Iitaka iroka antayitakiri piñaawenaperotawakari?
- ¿Iitaka pashini pikoyiiri piyoperotiri?
- ¿Ninka amitakoteni ayoperotantyaari?
- ¿Iitaka pashini pikoyiiri piyotiri?

Pipayitiri aakotaantsi rantayitiri eejatzi pamitakotiri rantantyaawori kameetha.

Poshiyakaawentiro piñawenaperotawakari iroka okaatzi añawoetakotakiri akantiroka apimantayiitiro awetsikayiitakiripaeni.



Paminiro eejatzi pijankinatiro



**Ari nokanteeyani naakapaeni,
eejatzi jeekayitatsiri nonampitsitiki**

Ari nokanteeyani naakapaeni, eejatzi jeekayiitatsiri nonampitsitiki

Kaminagaantsi ashi owametantatsiri

Noninteeeyironi owametantatsiri noñayiimiro iroka okantakotziri pashipaeni.

Kamantantsi rashi aminayiitziriri iryaneerikipaeni eejatzi oryaneerikipaeni (nana, pawa, yeyi o eentyo charini) rirotaki kantakotantatsini antantyawori ashi akenkithawoero.

Pikenkithatakayiiri eejatzi pojampitiri:

- ¿Iitaka riyoyitiri pitomipaeni?
- ¿Rooperori iroka kantakotantsi anteyiirini akenkithatakoeyani?
- ¿Iitarikya?

Pikanteyiirini iroñaaka nopawoemiro iroka paperipanakiki pantapoeri pinampiki. Eejatzi powayitiro oshiyakantsi piyomatantyawori.

Iroka paperipeta, pipayitiri pisheninkapaeni.

Piweshiryaawentyaari pikaateyiini rantayiitakiripaeni.



Naakatatsi



Nowaero naaka :

kantakotachari:

Nojarentsiti:

Ojarentsi:

Nonampitsiti:

Naakatatsi

Kaminagaantsi ashi owametantatsiri

Paminiro paperi pentaki pitsipateyarini iryaneerikipaeni eejatzi oryaneerikipaeni pikenkithawoetakayiiri:

- ¿Ninka iryaneeriki kimitzimiri eeroka?

Pikenkithatakayiiri:

- ¿Oetaka nampitsitatsiri pitzimantakari?
- ¿Ninka ñaagaeyakimirini pitzimantakari?
- ¿Cha ikanteyakakinika rowanteyakimirori piwoero?

Pikanteyiirini cha ikantetakirika rowantetakanaariri iwoeropaeni.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing.



Nowaero

Nowaero

Nashi kantakotanari nowatha

Kaminagaantsi ashi owametantatsiri

Nokanteyiirini irika aminakowentziriri ejatzi paminero iroka aakotantsi pitsipatyaari iryaneeriki ejatzi oryaneeriki okantakoperotziri iroka kantakotanari nowatha.

Poñaayiri iryaneeriki ejatzi oryaneeriki kantakotziriri iwatha pikantaperoteri iroka kantakotantsi kantakoperoteri riyotanteteri kametha iroka aakotantsi ejatzi mawoeni okantakoyitziri.

Pojampiteri iroñaka :

- ¿Ninka tzimakoyiitatsiri iroka kantakotantsi awatha?
- ¿Iitakaka akowaperotantawori iroka akotzirori awatha?
- ¿Iitaka awijatsini erorika otzimi aakoteri awatha?

Pikanteyirini iroka aakotantsi awatha rootaki ajankinatakotantyari janta yotantsipankoki ejatzi rawintanteteri janta awintantsipankoki aririka amantsiyate, ipanteteri owanawontsi ejatzi okawentantyariri jawatakantironi nampitsi.

Pijankinatero piwoeropaeni jaka aakotantsiki pitsipatyaari iryaneeriki ejatzi oryaneeriki jaka okankitekayitakira ejatzi Pijankinate oshiyakantsi.

Pikanteyirini iryaneeriki ejatzi oryaneeriki riyoteyironi okantakoyitziriripaeni.

Paminiro eejatzi pijankinatio.



Three horizontal dashed lines for writing.



Raawitanteetakinawo iroka



Eeniro neentsitapaaki.....

Rawintanteetakinari iroka

Nowaero

Raawitanteetakinawo iroka

Kaminagaantsi ashi owametantatsiri

Paminiro paperi pentaki pitsipateyarini pitomi eejatzi pishinto.

Pikenkithatakayiiri pitomi eejatzi pishinto iitaka rawintatetyariri, oetaka rashitetakiriri, iitaka rawintantatetariri.

Othonkapakya poshiyakawentiro cha ikantetakimika raawintantetakimiri.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing practice.



Nowanawo noñaawinatarí



Nowaero

Nowanawo noñaawinatari

Kaminagaantsi ashi owametantatsiri

Paminiro paperipanakiki pitsipatyari iryanini eejatzi oryanini pikenkithatakayiiri iñawenayiitari rowari.

Pijampitiri:

- ¿Oetaka owanawontsitatsiri piñaawenaperotari? ¿iitakakya?

Pikamanteyiirini tsika ikantetziro rowetsikaetziro.

Opoñashitakya pamitakotiri iryanini piwichakotiri iroka oshiyakawoerontsi eejatzi pipothotakotiri rowanawo iñaawenaperotari.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing practice.



Noñaawinayitari noñaathayityaari



Nowaero

Noñaawinayitari noñaathayityaari

Kaminagaantsi ashi owametantatsiri

Paminiro paperi pentaki pitsipatyari iryaneeriki eejatzi oryaneeriki pikenkithawoetakayiiri:

- ¿Oetaka ñaathawoerontsi pikoyiiri piñaathawoetantyari?
- ¿Cha pikanta pikemiro aririka piñaathawoetya piñaathawoero piñaawenayiitari eroka?

Piñaathatakayaari iñathawoero iryaneeriki oryaneriki.

Pikenkithawoetakayiiri iroka iñathawoero eejatzi ñaathawoetantsi piñathatakakariri inkaganki rashi iryaneeriki.

Eejatzi pamitakotiri iryaneeriki piwichakotiri eejatzi pipothotakotiri iñathawoero iñaawenaperotari.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing practice.





Nashi nosheninkapaeni

Rashi iwaero:

Nashi nowaero:

Nashi nosheninkapaeni

Kaminagaantsi ashi owametantatsiri

Pikenkithatakayiiri iryaneeriki cha ikanta isheninkapaeni eejatzi pojampitiri:

- ¿Ninka asheninkayitari?
- ¿Iitaka iwoeropaeni?
- ¿Cha ijekika?

Iroñaaka pikantayitiri iryaneeriki eejatzi oryaneeriki, roshiyakawentiri isheninkapaeni.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatio.



Three horizontal dashed lines for writing practice.



**Nosheninkapaeni
nokantziri jami awetsikya
antawoetantyaari**

Nowaero:

Nosheninkapaeni nokantziri jami awetsikya antawoetantyaari

Kaminagaantsi ashi owametantatsiri

Pikenkithawoetakayiro oryaneeriki eejatzi irianeriki:

- ¿Cha okaatzika piweshiryateyaarini erokapaeni pitsipayitari pisheninkapaeni?
- ¿Cha panteyiironika?

Iroñaaka pikanteyiirini roshiyakawentiri cha ikanteyani isheninkapaeni roweshiryagaeyani.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing.



Nocharinipaeni eejatzi nojawo iyotaanawo nimpitawoetzi kantziri



Nowaero:

Nocharinipaeni eejatzi nojawo iyotaanawo nimpitawoetzi kantziri

Kaminagaantsi ashi owametantatsiri

Pitsipatyawo pijawo eejatzi pijari, pikenkithawoetakayiiri iñaawenaperotari rantziri rirori rantaperotziri kametha.

Ojampitantsi:

- ¿Ninka yotakiriri?
- ¿Cha ikanta riyotantakawori?
- ¿Ninka riyotayiiri iroñaaka?

Pikantiri, iryaneeriki eejatzi oryaneeriki oshiyakawentiro ojawo eejatzi ojari antiro okaatzi oñaawenaperotari.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing practice.

Nashi nonampitsiti



Owaero nashi nonampitsiti:

Nowaero:

Nashi nonampitsiti

Kaminagaantsi ashi owametantatsiri

Panashiwoetakayari iryaneeriki eejatzi oryaneeriki nampitsikira.

Pikenkithawoetakayiiri tsirika okanta iroka inampitsiti, iitaka okantakotziri eejatzi oitaka jeekatayiitawori.

Opoñashitya pojampitiri:

- ¿Jekantawori iroka pinampitsiti iitaka piñaawenaperotari?
- ¿Itakakya?

Pikantiri iryaneeriki eejatzi oryaneeriki oshiyakawentiro onampitsiti.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing.



Nantaritapaakirika nokoyi nokimityaari

Nantaritapaakirika nokoyi nokimityaari:

Nowaero:

Nantaritapaakirika nokoyi nokimityaari

Kaminagaantsi ashi owametantatsiri

Paminiro paperipanakiki pitsipatyari iryaneeriki eejatzi oryaneeriki.

Pikenkithatakayiiri pojamitiri iryaneeriki eejatzi oryaneeriki.

- ¿Itaka pikoyiiri pantiri aririka pantaritapaki?


Pikanteyiirini pitomipaeni eejatzi pishintopaeni oshiyakakawentiro , opothotiro, okowakaari rori antiri aririka antawotapaaki.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing.



**Ari nokanteeyani naakapaeni,
eejatzi nonampitsiti**

Ari nokanteeyani naakapaeni, eejatzi nonampitsiti

Kaminagaantsi ashi owametantatsiri

Nonintayiitzi owametantatsiri, iroka paperipana rashi iryaneeriki eejatzi ashi oryaneeriki pijankinatakotiri kitejiiri okaatzi riyomatakiri okimita:

- Rareeta kitianikitaki.
- Ikewawakota rakoki tekirata rowa, eejatzi aririka ithonkakirowawoetakya, eejatzi aririka ryaati ishitya.
- Ikewiro raeki aririka ithonkakirowawoetakya.
- Royaawo maawoeni owanawontsi.

Irika iryaneeriki eejatzi oryaneeriki otzimatye rantiro maawoeni kitejiiri iroka rantayiitiri eejatzi aririka othonkaneya kitejiiri otzimatye pijankinatakotiri jaga paperipanakiki.

Otzimatye owichero paperi pentaki, opothotiro, oshiyakawentiro opopaeni, eejatzi pashini oshiyakawentantsi oñaawenayiitari rori.

Iroka oshiyakantsi oejekiro apapako kitejiiri.


Piweshiryaawentyaari iryaneeriki eejatzi oryaneeriki okaatzi antayitakiri eejatzi enitatsirika pamentsitzimotakawori pamitakotiro omatantyaawori owetsikiro kametha.

Paminiro eejatzi pijankinatakotiro jaga paperipanakiki pamitakotantyaawori oryaneeriki kaari matironi antiro apaniroeni.



Apaani kitejiri 1

Nashi nowaero:



ironeshi

mariteshi

merikoreshi

joeweshi

wierineshi



Pikithaadyaawo pimaatha
kitianikiri



Nokiawakota nakoki aririka nowawoetya
eejatzi aririka nothonkanakiro nowawoetya,
eejatzi aririka niaati noshitya.



Nokewiro naeki aririka
nothonkanakiro nowawoetya.



Nowawo mawoeni
owanawontsi

Ari pimatiro piwichero oshiyakantsi, pipothotiro, oshiyakantsi kimitachari ipopoeni, eejatzi oshiyakantsi piñawenayiitari eroka, apanikipaeni kitejiri.


Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatio.



Kitejiiri apite 2

Nashi nowaero:



ironeshi

mariteshi

merikoreshi

joeweshi

wierineshi



Pikithaadyaawo pimaatha
kitianikiri



Nokiawakota nakoki aririka nowawoetya
eejatzi aririka nothonkanakiro nowawoetya ,
eejatzi aririka niaati noshitya .



Nokewiro naeki aririka
nothonkanakiro nowawoetya.



Nowawo mawoeni
owanawontsi

Ari pimatiro piwichero oshiyakantsi, pipothotiro, oshiyakantsi kimitachari ipopoeni, eejatzi oshiyakantsi piñawenayiitari eroka, apanikipaeni kitejiri.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatiro.



Three horizontal dashed lines for writing practice.



Ayomaatiro okaatzi kowenkatatsiri

Ari nokanteeyani naakapaeni, eejatzi nonampitsiti

Kaminagaantsi ashi owametantatsiri

Nonintayitzi owametantatsiri nokoyi nokantimi pantakayiri iryaneeriki eejatzi oryaneeriki okaatzi riyomayitiri rantiri.

Iroka paperipana rootaki amitakotirini irika iryaneeriki eejatzi oryaneeriki pijankinatio riyomayitiri rantayitiri:

- Riwehatantya.
- Rowameethatio ñaathawoerontsi eejatzi jekayitatsiri yotantsipankoki.
- Ipawaakaeyani iroka ñaathawoerontsi eejatzi okaatzi jeekayitatsiri.
- Otzimatyē okankitye yotantsipanko eejatzi nampitsi.

Irika iryaneeriki eejatzi oryaneeriki otzimatyē akantayitiri rantayitiro mawoeniki kitejiiri eejatzi aririka athonkanakiro okaatzi antayitzi, roojatzi akantiri ijankinatakotaneya paperipanakiki.

Ari imatio iwichero, ipothotiro, roshiyakawentiro, okaatzi ikowayitzi.

Apanipaeni paperipana antayitiro pashinipaetiki kitejiiri.


Piweshiryaawentyari iryaneeriki okaatzi rantayitakiri, eenitatsirika pamentsitzimotakariri pamitakotiri imatantyaawori rantayitiro kameetha.

Paminio eejatzi pijankinatakotiro paperipanakiki pimatantyaawori pamitakotiri irika iryaneeriki kaari matironi rantiro apaniroeni.



Apani kitejiri 1

Nashi nowaero:



ironeshi

mariteshi

merikoreshi

joeweshi

wierineshi



Wethataantsi roojatzi kitejiri



Owamethatantsi ñaathawoerontsi
eejatzi jekayitatsiri yotantsipankoki



Pipawakaeyani iroka ñaathawoerontsi
eejatzi jeekayitatsiri



Owaankiityeero iroka
yotantsipanko eejatzi nampitsi.

Owakira apani kitejiri pikowakoteeyiirini irika iryaneeriki eejatzi oryaneeriki
iwichakotiro inashiyiitachari owakoyiitachari, ayomatantyaawori okaatzi antayiitiri.


Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatio.



Apite kitejiri 2

Nashi nowaero:



ironeshi

mariteshi

merikoreshi

joeweshi

wierineshi



Wethataantsi roojatzi kitejiri



Owamethatantsi ñaathawoerontsi
eejatzi jekayitatsiri yotantsipankoki



Pipawakaeyani iroka ñaathawoerontsi
eejatzi jeekayitatsiri



Owaankiityeero iroka
yotantsipanko eejatzi nampitsi.

Owakira apani kitejiri pikowakoteeyiirini irika iryaneeriki eejatzi oryaneeriki
iwichakotiro inashiyiitachari owakoyiitachari, ayomatantyaawori okaatzi antayiitiri.

Pipayitiri aakotaantsi rantayitiri eejatzi pamitakotiri rantantyaawori kameetha.

Paminiro eejatzi pijankinatio.



Three horizontal dashed lines for writing practice.





Irika tsimeri jeekayitatsiri
nonampitsitiki

Ari nokanteeyani naakapaeni, eejatzi nonampitsiti

Kaminagaantsi ashi owametantatsiri

Nonintanipaeni owametantatsiri noñayiimiro iwoeropaeni tsimeeripaeni.

Iroñaaka noñayiimiro cha ikantawoeta irika tsimeeripaeni, imatantyawori irikapaeni iryaneerikipaeni riyomaatakotantayiityaariri otzimatye raminakotiri aakotantsikira totakoyiitacharipaeni.

Iroka nantayiitakiri imatantyaawori iryaneerikipaeni eejatzi oryaneerikipaeni rojampikowentayiitiri charika ikantawoeyiitapaeni tsimeripaeni ipireetari eejatzi kaari ipireetari, ijankinatakotantyaariri iwoeropaeni irika tsimeri ijankayiitiro rirori apaniroeni eerorika imatziro ramitakotiri apaani antaritentsiri rirentzipaeni.

Pikanteeyiirini irika iryaneerikipaeni eejatzi oryneerikipaeni omatantyaawori oshiyakawentiri ayiitiro oshiyakantsi kimitariri tsimeripaeni, ikowakantayiitaripaeni rirori.

Pikanteeyiirini iryaneerikipaeni eejatzi oryaneerikipaeni antayiiti okaatzi pikantayiitzirori, rokantzimaetacha otzimatye pipayiitiro antantayiityaaripaeni oetarika okenkishiryaayiitaripaeni antayiitiri.

Pikantayiitiri ashitanitzinkaripaeni ramitakoyiitiri itomipaeni rantayiitziripaeni.


Piweshiryaawentyaari okaatzi rantayiitziri eejatzi pamitakoyiitiri imatantyaawori okaatzi pomeetsitzimowitakariri.






Irika wathatsi japoka
japoka tsinkari
otewakipaeni
inchatopaeni

¿Iitaka?




Irika wathatsi enitatsi
itaki aakowentziri
itarikapaeni
awijimotirini

¿Iitaka?




Irika wathatsi
ranashitantawo tsireniki,
iwathaki thapantzi
tekatsi ishitha

¿Iitaka?



Eenitatsi impontho
jathowari rokiki
okatsiwiryookitzini
ikempita
oryaakempityakini

¿Iitaka?




Irika wathatsi
tzimatsi iitzi, iwathaki
ikityonkaneentzi

¿Iitaka?




Iirika wathatsi ithotziro
chochoki eejatzi
rowawo kaniri, koritzi,
shinki eejatzi keemi.

¿Iitaka?



Irika wathatsi ijeeki
owapathayiitapaeni,
iñaatenipaeni rametawo
ramaatziro antawa iña.

¿Iitaka?



Irika wathatsi iwitzi
chenkanentiti
ikitamapokinentzi ikentsiki
ikaninakonkaneentzi,
imitzikaki osheki iwitzi.

¿Iitaka?



Iroka akaemawakantari

Iroka akaemawakantari

Kaminagaantsi ashi owametantatsiri

Nokanteyiimirini owametantatsiri.

Noninteyiirini owametantatsiri iroka noñaagaeyimironi iroka.

Aakotantsi kaemamentotsipaeni.

Pojampikowentiro pinampitsitiki cha pikantaka pikaemakotawakantari.

Pikenkithatawakanteyaarini jeekayiitatsiri pinampitsitiki, eejatzi okaatzi pikamantawakanteyaaari.

Mawoeni jeekayiitatsiri pinampitsitiki.

Iiroñaaka pikanteyiirini mawoeni iryaneerikipaeni eejatzi oryaneerikipaeni, ikanteeyiini oetarika pashini.

Ikamantawakanteyeyarini jeekayiitatsiri pinampitsitiki.

Pikanteeyiirini mawoeni ashitanzinkaripaeni, eejatzi iryaneerikipaeni, oryaneerikipaeni.

Piweshiryaawentyaari rantayiitzi iryaneerikipaeni, oryaneerikipaeni, eejatzi pamitakoyiitiripoeni imatantyaawori.

Okaatzi pomeetsitzimotakariri.



Cha okantaka oñaanatawakantari ajawopaeni

Nashi nowaero:



Cha okantaka oñaanatawakantari ajawopaeni

Kaminagaantsi ashi owametantatsiri

Pikenkithatakayiiri iryaneerikipaeni, oryaneerikipaeni cha ikantawaka ikaemantawakaeyarini paerani acharinitinipaeni jeekayiitatsiri jaaka anampitsitiki.

Pojampitiri:

- ¿Cha ikantaka ikamantawakanteeyaarini aririka ikoyii rapatoeyani, oetakaka awijayiitatsiri ikemayiitakirinipaeni, jaaka inampitsitiki?

Pikenkithatakayiiri iryaneerikipaeni, oryaneerikipaeni charika ikantayiita paerani ikaemawakaeyani acharinitenipaeni, jeekayiiwitachari anampitsitikipaeni.

Panteeyiini aakotantsi charika ikanteyani paerani acharinitenipaeni ikaemawakanteeyaarini, eejatzi pijankinatiro iwoeropaeni.



Three horizontal dashed lines for writing.



Ikaemantari atziripaeni



Nashi nowaero:



Ikaemantari atziripaeni

Kaminagaantsi ashi owametantatsiri

Pikenkithatakayiiri iryaneerikipaeni eejatzi oryaneerikipaeni, charika okantawoeta iroka kaemamentotsi.

Pojampitiri:

- ¿Iitaka akowayitiri akaemantawakantyari kaemamentotsiki?
- ¿Cha okaatzika opinatayiita iroka kaemamentotsi?

Pikenkithatakayiiri iryaneerikipaeni eejatzi oryaneerikipaeni cha ikanteetziroka iroka kaemamentotsi.

Pimonkaatiro okaatzi opinatayiita iroka kaemantamentotsi, eejatzi pijankinatakotiro okantakotziri iroka kaematamentotsi.



Three horizontal dashed lines for writing.



Kaemantamentotsi



○ ○ ○ ○ ○ ○ ○ ○ ○



Nashi nowaero:



Kaemantamentotsi

Kaminagaantsi ashi owametantatsiri

Poñaagayitiri inashiyiitachari iroka kaemamentotsipaeni eejatzi pojampitiri.

- ¿Iitaka okowantayitawori iroka kaemamentotsi?
- ¿Pisheninkakipaeni ninka tzimakoyiitatsiri ikaemamentopaeni?
- ¿Piyotziro onomeroti ikaemantamento piripaeni, piniropaeni, owametzimiri, eejatzi jewatakantzirori pinampitsiti?

Pikantiri rojampikowentapaero onomerotipaeni iroka kaemantamentotsi rashipaeni isheninkapaeni, owametantatsiri, eejatzi jewatakantzirori nampitsi.

Pojampikowentapaero onomeroti ikaemantamentopaeni pisheninkapaeni, eejatzi pojankinatakotiro onomerotipaeni ramitakotimi apani pisheninkapaeni antarinipaeni.



Three horizontal dashed lines for writing.



Pashini inashitachari kaemantamentotsi

Nashi nowaero:



Pashini inashitachari kaemantamentotsi

Kaminagaantsi ashi owametantatsiri

Pikenkithatakayiiri irika iryaneerikipaeni eejatzi oryaneerikipaeni charika okanta iroka kaemantamentotsi jeekatsiri pinampitsitiki.

Pojampitiri:

- ¿Cha akantyaaka ayotantyaari eenitatsi apatorentsi, awijentsiri jaaka anampitsitiki?
- ¿Cha akantyaaka awethatantyaariri arentachari rojarentsiti asheninkapaeni jeekayiitatsiri intenanta?
- ¿Cha akantiroka otyaantantyaawori oetarikapaeni akoyiiri otyaatiri?
- ¿Cha aminantayiiyaariri irika aatzikayiinaowoetayiitatsiripaeni?

Pantayiiti eerokapaeni iroka kamaanantantsi okaatzi pikowayiitziri erokapaeni eejatzi powiichaakotiro okantañaagakiyiitakapaeni.



Three horizontal dashed lines for writing.

